

**Uunga siunnersuut: Akileraaruserinermik ingerlatsineq pillugu Inatsisartut  
inatsisaat nr. xx, xx. xx 2006-imeersoq**

**Immikkoortoq I**  
**Ingerlatsinerup aaqqissuussaanera aamma suliassat**

**Kapitali 1**  
*Akileraaruseriffik*

**§ 1.** Akileraaruseriffiup akileraarutit, matumani aamma toqqaannartumik toqqaannanngitsumillu akileraarutit pillugit inatsisit ingerlappai.

**Kapitali 2**  
*Skatterådi*

**§ 2.** Akileraaruseriffiup akileraarutit pillugit inatsisinut tunngasuni aalajangiineri pillugit naammagittaalliuutit Skatterådip aalajangiiffigisarpai.

*Imm. 2.* Imm. 1-imi aalajangersagaq apeqquaatinngagu akileraarutit pillugit inatsisit naapertorlugit pineqaatissiinernut arsaarinninnernulluunniit tunngasut Skatterådimut naammagittaalliuutigineqarsinnaanngillat.

*Imm. 3.* Imm. 1-imi aalajangersagaq apeqquaatinngagu apeqqutit suliarinninnermut tunngasut akileraaruseriffiup aalajangiiffigisai tassungalu atatillugu allagaatinik takunnissinnaanermut tunngasut Skatterådimut naammagittaalliuutigineqarsinnaanngillat.

**§ 3.** Skatterådi arfineq-marlunnik ilaasortaqaqpoq.

*Imm. 2.* Skatterådip siulittaasua Naalakkersuisunit toqqrneqartarpoq. Siulittaasup akileraartarnermut maleruagassanik paasisimasaqassusia, taassumalu allatigut ilisimaneqaataa toqqaanermi pingaartillugit isiginiarneqassapput.

*Imm. 3.* Skatterådip ilaasortai allat arfinillit taakkualu tamarmik sinniisussaat SIK-p, AK-p, GA-p, ILIK-p, KNAPK-p aamma KANUKOKA-p inassuteqareernerisigut Naalakkersuisunit toqqrneqartarput. Kattuffik Naalakkersuisunut inassuteqaateqanngippat ilaasortaq taassumalu sinniisussaa Naalakkersuisunit toqqrneqassaaq.

*Imm. 4.* Ilaasortat piffissami ukiunik sisamanik sivisussuseqartumi atuuttarput. Piffissaq atuuffissaq siulleq 1. januar 2007-imi aallartissaq.

**§ 4.** Skatterådip aalajangissavaa ilaasortaq suliamnik isumaginninnissamut piukkunnassuseqannginnersoq, ilaasortaq:

- 1) nammineerluni nalunaarsuiffimmik, taassuma ataani aamma ingerlatsinermut naatsorsuutinik, imaluunniit akileraarutit pillugit nalunaarummik piffissaagallartillugu nassiussisimanngippat,
- 2) akileraarutinik, taassuma ataani aamma akileraarutinik B-nik, akileraarutit sinnerinik akiligassaasinjaasunik aamma akitsutinik piffissaagallartillugu akiliisimanngippat,
- 3) akileraarutinik A-nik unerartitsisussaanerminik sumiginnaappat, akileraarutit A-t pillugit nassuaatinik sukumiisunik piffissaagallartillugu nassiussisimanngippat imaluunniit akileraarutinik A-nik unerartitanik piffissaagallartillugu akiliisimanngippat, imaluunniit
- 4) akileraarutit pillugit inatsisinik unioqqutitsisimanerminik nassuerpat imaluunniit pillaammik akiliisussanngortinneqarpat.

*Imm. 2.* Naalakkersuisut aalajangissavaat ilaasortaq, pissutaasut imm. 1-imi taaneqartunit allaasut pissutigalugit suliaminik isumaginninnissamut piukkunnassuseqannginnersoq, taassuma ataani ilaasortaq Kalaallit Nunaanni pinerluttulerinermi inatsit naapertorlugu pineqaatissinneqarpat.

*Imm. 3.* Ilaasortaq suliaminik isumaginninnissamut piukkunnassuseqanngitsutut isigineqartoq Skatterådimi ilaasortaajunnaassaaq.

*Imm. 4.* Ilaasortaq Skatterådimi ilaasortaajunnaarnissaminik qinnuteqarpat Naalakkersuisut akuersissuteqarsinnaapput, ilaasortap suliamik suliaqarunnaarumalluni kissaataa soorlu peqqinngissuteqarneranik, pisortanik sullissinermik allamik isumagisaqarneranik, niuerneranik assigisaannilluunniit pissuteqartumik tunngavissaqvippat.

*Imm. 5.* Ilaasortaq Skatterådimi ilaasortaajunnaarpat piffissap atuuffiusup sinnerani Skatterådimi ilaasortassamik nutaamik, § 3, imm. 2-mi 3-milu maleruagassat naapertorlugin toqqaasoqassaaq.

**§ 5.** Skatterådimi ilaasortat siulittaasup tulliatut siullertut aappaattullu akornaminni toqqaassapput.

*Imm. 2.* Skatterådi aalajangiisinnaanngilaq siulittaasoq siulittaasulluunniit tullia ataaseq arlaat peqataanngippat.

*Imm. 3.* Skatterådi aalajangiisinnaassappat Skatterådip ilaasortaasa, taakkualuunniit sinniisussaasa minnerpaamik affaat aalajangiinermi peqataassapput. Aalajangiineq amerlanerussuteqarnikkut pissaaq. Taasisut amerlaqatigiippata siulittaasup imaluunniit siulittaasoq aalajangiinermi peqataanngippat siulittaasup tulliata siulliup, taasinera aalajangiisuussaaq. Siulittaasoq imaluunniit siulittaasup tullia siulleq aalajangiinermi peqataanngippata taasisullu amerlaqatigiippata siulittaasup tulliata aappaata taasinera aalajangiisuussaaq.

*Imm. 4.* Skatterådip immikkoortunut aalajangiisartunut minnerpaamik pingasunik ilaasortaqtunut agguataarnissani aalajangersinnaavaa, taakkunani ilaasortat ilaat tassaassalluni siulittaasoq imaluunniit siulittaasup tullia ataaseq. Suliassap Skatterådimut tamarmiusumut saqqummiunneqarnissaa Skatterådimi ilaasortap kialluunniit piumasarisinnaavaa.

*Imm. 5.* Immikkoortoq aalajangiisartoq aalajangiisinnaassappat ilaasortat minnerpaamik pingasut aalajangiinermi peqataassapput. Aalajangiinermi taasisut amerlaqatigiippata Skatterådi tamarmiusoq aalajangiissaaq.

*Imm. 6.* Skatterådip sulinermini najoqqutassai Naalakkersuisunit aalajangersarnejassapput.

*Imm. 7. Skatterådip allattoqarfegarnissaa Naalakkersuisut isumagissavaat.  
Allattoqarfik sulinermini Naalakkersuisunut attuumassuteqanngilaq.*

### **Kapitali 3**

*Piginnaatitaaneq, nipangiussisussaatitaaneq il.il.*

*Piginnaateqatigiinneq*

**§ 6.** Suliassami aalajangiiffigisassami pineqartup assinga Skatterådimit aalajangiiffiqareersimappat akileraaruseriffik suliassami aalajangiisinnaanngilaq.

*Tutsuiginassuseq*

**§ 7.** Akileraaruseriffimmi sulisusoq Skatterådimi ilaasortaasinnaanngilaq sinniisussaasinnaananiluunniit.

*Kommunalbestyrelsit*

**§ 8.** Kommunalbestyrelsit suliassanik, innuttaasunut ilitsersuinertut ittunik aamma ingerlatsinermut tunngasunik assigisaannik, akileraaruseriffiullu § 1 naapertorlugu suliassaanut ilaasunik isumaginninnissaat pillugu maleruagassat Naalakkersuisunit aalajangersarneqarsinnaapput.

*Nipangiussisussaatitaaneq aamma paassisutissanik ingerlatitseqqiineq*

**§ 9.** Akileraaruseriffimmi sulisusut aamma Skatterådimi ilaasortat taakkualu sinniisussaatt paassisutissat inuup inatsisilluunniit malillugit inuttut isigineqartup aningaasarsiornaranut, inuussutissarsiornaranut imaluunniit inuup namminerisaminik inuuneranut tunngasut, suliaminnik isumaginnermikkut ilisimalikkatik, Kalaallit Nunaanni pinerluttulerinermi inatsimmi § 29 malillugu akisussaallutik susassaqanngitsut tungaannut nipangiulluinnartussaavaat. Pisussaaffik aammattaaq atuuppoq suliamik paasisimasalittut ikiortaasunut kiisalu kikkunnulluunniit, pisortanut isumaqatigiissuteqarneq naapertorlugu sulisinneqarnermikkut pissutsinik taamaattunik ilisimasaqalersunut. Isumaqatigiissut pisortatut oqartussaasunut suliffeqarfimmulluunniit isumaqatigiissutaasimappat pisussaaffik oqartussaasumi suliffeqarfimmiluunniit sulisunut, pissutsinik qulaani taaneqartutut ittunik ilisimannilersunut tamanut atuuppoq.

**§ 10.** Katissimallutik aappariit aamma katissimallutik aappariissimagaluarlutik avissimasut tamarmik immikkut periarfissaqarput katissimallugu aapparisami, ukiumi aningaaasarsioriusumi katissimallutik aappariiffigisaminni inooqatigiiffisaminnilu nammineerluni nalunaarsuiffiata imarisai aamma aningaaasarsiaasa angissusilerneqarneri pillugit paassisutissanik akilaruaruseriffimmuit saaffiginninnermikkut paasitinneqarnissamut.

## **Immikkoortoq II** **Suliassat suliarineqarnissaat pillugu maleruagassat**

### **Kapitali 4**

*Suliamik saqqummiussissut aamma aalajangiissamaarneq pillugu allakkat*

*Suliamik saqqummiussissut*

**§ 11.** Suliamik saqqummiussissut suliarineqassaaq aalajangiinerni,  
1) skatterådimut saqqummiunneqartuni.  
2) siusinnerusukkut angissusiliinernik allannguinermut tunngasuni.  
3) akilaraartarnermut inatsisit naapertorlugit pineqaatissiissuteqarnermut tunngasuni.  
*Imm. 2.* Imm. 1, nr. 2-mi aalajangersagaq atorneqassanngilaq suliamut attuumassuteqartut qinnuteqarnerat malillugu aalajangiisoqartillugu, aammalu qinnutigineqartoq akilaruaruseriffiup tamakkiisumik akuerisinnaappagu, imaluunniit akilaruaruseriffiup aammalu suliamut attuumassuteqartut aalajangiineq isumaqatigiissutigippassuk.

*Imm. 3.* Suliamik saqqummiussissut, suliassami pissutsit piviusut aalajangiinissami pingartinniarneqartut pillugit paassisutissanut tunngasumik nassuaatitaqassaaq. Aammattaaq paassisutissat taakku, akilaruaruseriffiup naliliineratigut aalajangiinermik taassuminnga kinguneqartut tunngavilersuutaat, pisortat ingerlatsineranni suliassat suliarineqartarnerat pillugu Inatsisartut inatsisaat malillugu tunngavilersuinissamut piumasaqaatinik naammassinnittut paassisutissiissutigineqassapput.

*Imm. 4.* Suliamik saqqummiussissut, akissuteqarnissamut piffissaliilluni tusarniaalluni allakkap ullulerneqarneraniit, suliamut attuumassuteqartut akuersiseqqaarnagit sap.ak. sisamanit sivikinnerusinnaanngitsoq piffissaliullugu suliamut attuumassuteqartunut oqaaseqaateqarfigisassanngorlugu nassiunneqassaaq, piffissaliussaq alla inatsisini aalajangersarneqarsimannngippat. Akissuteqarnissamut piffissaliussap nalunaarutigineqartup sivitsorneqarnissaa suliamut attuumassuteqartunit qinnutigineqarpak akilaruaruseriffik sivitsuisinnaavoq.

*Imm. 5.* Imm. 4 naapertorlugu tusarniaasoqarpak akilaruaruseriffiup suliamut attuumassuteqartunut nalunaarutigisinnaavaa suliamik saqqummiussissut tunngavigalugu aalajangiinissaq, piffissaliussap erseqqinnerusumik taaneqartup tusarniaalluni allakkap ullulerneqarneraniit, suliamut attuumassuteqartut akuersiseqqaarnagit sap.ak. sisamanit sivikinnerusinnaanngitsup ingerlanerani allakkatigut oqaasiinnakkulluunniit tunngavilersukkamik akilaruaruseriffimmuit

akerliliissuteqarlutik oqaaseqaateqanngippata suliamik saqqummiussisummi allassimasutuut aalajangiisoqassasoq, piffissaliussaq alla inatsisini aalajangersarneqarsimanngippat. Aalajangiinissaq akerliuffigalugu allakkatigut oqaasiinnakkullunniit oqaaseqaateqarnissamut piffissaliussap sivitsorneqarnissaa suliamut attuumassuteqartunit qinnutigineqarpat akileraaruseriffik sivitsuisinnaavoq, piffissaliussaq inatsisini aalajangersarneqarsimanngippat. Suliamut attuumassuteqartut piffissaliussaq qaangiutsinnagu oqaaseqaateqanngippata, aalajangiineq kalerriunneqareersutuut ilisimatitseqeqqaanngikkaluarluni pisinnaavoq.

*Imm. 6.* Aalajangiiffigineqartussap allannguutigitinniakkat ilisimalerunigit akileraarutissaminik akiliinngitsoorniarnissaa qularnaappat ilimanaateqarpallu akileraaruseriffik piffissaliussamik imm. 4-mi 5-imilu aalajangersarneqartumit sivikinnerusumik aalajangiisinnaavoq. Piffissaliussaq suliamut attuumassuteqartut suliamik saqqummiussisummik tigusaqarneranniit ullunit pingasunit sivikinnerusinnaanngilaq.

### *Aalajangiissamaarneq pillugu allakkat*

**§ 12.** Akileraaruseriffik nammineerluni nalunaarsukkanit imaluunniit nalunaarutigisanit allaasumik tunngaveqarluni akileraarutinik angissusiliinissamik aalajangiissamaarpat, suliamut attuumassuteqartut allakkatigut ilisimatinneqassapput. Tamanna aamma atuutissaaq angissusiliinissaq missingersuinikkut pissappat. Ilisimatitsineq pisortat ingerlatsineranni suliassat suliarineqartarnerat pillugu Inatsisartut inatsisaat malillugu ingerlatsinermi aalajangiinermut tunngavilersuinissamut piumasaqaatinik naammassinnissaq.

*Imm. 2.* Suliamut attuumassuteqartut tassunga ilutigitillugu ilisimatinneqassapput, pineqartut aalajangiinissaq akerliuffigalugu, piffissaliussap erseqqinnerusumik taaneqartup tusarniaalluni allakkap ullulerneqarneraniit, pineqartut akuersiseqqaarnagit sap.ak. sisamanit sivikinnerusinnaanngitsup ingerlanerani allakkatigut oqaasiinnakkullunniit tunngavilersukkamik akileraaruseriffimmut oqaaseqaateqanngippata aalajangiinissaq kalerriunneqareersutuut ilisimatitseqeqqaanngikkaluarluni pissasoq, piffissaliussaq alla inatsisini aalajangersarneqarsimanngippat. Suliamut attuumassuteqartut piffissaliussaq qaangiutsinnagu oqaaseqaateqanngippata, aalajangiineq kalerriunneqareersutuut ilisimatitseqeqqaanngikkaluarluni pisinnaavoq.

*Imm. 3.* Aalajangiineq suliamut attuumassuteqartut qinnuteqarnerat malillugu pippat, aammalu qinnutigineqartoq akileraaruseriffiup tamakkiisumik akuerisinnaappagu, imaluunniit akileraaruseriffiup aammalu suliamut attuumassuteqartut aalajangiineq isumaqtigisiutigippassuk imm. 1-imi 2-milu taaneqartutuut ilisimatitsinissaq pinngitsoortinnejarsinnaavoq.

## **Immikkoortoq III**

### **Aningaasarsianit akileraarutit pillugit suliassat suliarineqartarneri**

## Kapitali 5

*Siumoortumik nalunaarsuineq, nammineerluni nalunaarsuineq il.il.*

*Siumoortumik nalunaarsuineq*

**§ 13.** Akileraarutaagallartussat akilerneqarnissaannut tunngavissaq akileraaruseriffiup siumoortumik nalunaarsuinermi aalajangersassavaa.

*Imm. 2.* Siumoortumik nalunaarsuineq akileraartussaatitaasup aningaasarsiornikkut atugarisai pillugit paassisutissat kingullermik akileraarusiinermi siumoortumilluunniit nalunaarsuinermi tunngavagineqarsimasut naapertorlugit suliarineqassaaq. Akileraartussaatitaasut imaluunniit akileraartussaatitaasut immikkoortui tamarmik aningarsiaannut tunngasut akileraaruseriffiup procentinngorlugit qaffassinnaavai imaluunniit apparlugit.

*Imm. 3.* Akileraartussaatitaasup ukiumi aningaasarsiorfiusumi aningaasarsiatigut atugarisassai kingullermik akileraarusiinermi siumoortumilluunniit nalunaarsuinermi tunngavagineqarsimasunit allaanerungaatsiarnissaat paassisutissat pigineqartut tunngavigalugit ilimagineqarsinnaappat, akileraaruseriffiup siumoortumik nalunaarsuineq aningaasarsiornikkut atugarissangatitat missiliuunneqartut tunngavigalugit suliarisinnaavaa.

*Imm. 4.* Akileraartussaatitaasup ukiumi aningaasarsiorfiusumi aningaasarsiatigut atugarisassai kingullermik akileraarusiinermi siumoortumilluunniit nalunaarsuinermi tunngavagineqarsimasunit allaanerungaatsiarnissaat paassisutissat pigineqartut tunngavigalugit ilimagineqarsinnaappat, akileraaruseriffiup siumoortumik nalunaarsuineq aningaasarsiornikkut atugarissangatitat missiliuunneqartut tunngavigalugit ukiup aningaasarsiorfiusup ingerlanerani allanngortissinnaavaa.

*Imm. 5.* Imm. 3 aamma 4 malillugit aalajangiinissani akileraaruseriffiup akileraartussaatitaasoq nassuaateqeqquusinnaavaa.

*Imm. 6.* Akileraartussaatitaasoq siusinnerusukkut akileraarusiiffigineqarsimanngippat imaluunniit siumoortumik nalunaarsuiffigineqarsimanngippat akileraartussaatitaasoq aningaasarsiornikkut atugassarissangasani pillugit nassuaateqassaaq.

Akileraartussaatitaasup paassisutissiissutaasa siumoortumik nalunaarsuinermi qanoq annertutigisumik tunngavagineqarnissaannut qanoq missingersersuineq apeqqutaassaaq.

*Imm. 7.* Nassuaatit imm. 5-imilu taaneqartut qanoq ittuunissaannut imaqarnissaannullu maleduagassat Naalakkersuisut aalajangersassavaat. Aammattaaq nassuaatip imm. 6-imilu taaneqartup tunniunneqarnissaanut piffissarititaq pillugu maleduagassat Naalakkersuisut aalajangersarsinnaavaaat.

**§ 14.** Akileraartussaatitaasup ukiumi aningaasarsiorfiusumi aningaasarsiornikkut atugassami kingullermik akileraarusiinermi imaluunniit siumoortumik nalunaarsuinermi tunngavagineqarsimasunit allaanerungaatsiarnissaat ilimagiguniuk, akileraartussaatitaasup qinnutigisinnaavaa aningaasarsiarissangasani pillugit paassisutissiissutini tunngavigalugit siumoortumik nalunaarsuisoqassasoq.

Akileraartussaatitaasup qinnuteqaammini paassisutissiissutai naammattumik qularnaallisarneqarsimasutut akileraaruseriffimmit isumaqarfingineqarpata, qinnuteqaat siumoortumik nalunaarsuinermi tunngavagineqassaaq. Qinnuteqaatip

qanoq ittuunissaanut imaqarnissaanullu maleruagassat Naalakkersuisut aalajangersarsinnaavaat, kiisalu tunniunneqarnissaanut piffissarititaq aalajangersarsinnaallugu.

*Imm. 2.* Siumoortumik nalunaarsukkat siunissami akileraarnissamut sunniutilimmik allanngortinneqarnissaat akileraartussaatitaasup, piumasaqaatit imm. 1-imi taaneqartut tunngavigalugit ukiup aningaasarsiorfiusup ingerlanerani piumasarisinnaavaa.

**§ 15.** Akileraarutaagallartutut akiliutaareersimasut akileraarutissavinnit 5.000 koruuninik imaluunniit taakkunannga amerlanerussappata, akileraaruseriffiup isumaa naapertorlugu akiliutaavallaarsimasut akileraartussaatitaasup qinnuteqarneratigut piaartumik utertinneqassapput. Oqaaseqatigiit siullit naapertorlugit taamatut utertitsinermi akileraartussaatitaasoq ajunngitsorsiaqartinneqaranilu erniasiaqartinneqassangilaq.

*Imm. 2.* Imm. 1 naapertorlugu utertitsinissamik qinnuteqaat nammineerluni nalunaarsuiffiup akileraaruseriffimmit tiguneqarneraniit kingusinnerpaamik qaammatip ataatsip qaangiunnerani akileraaruseriffimmut saqqummiunneqassaaq. Qinnuteqaatip qanoq isikkoqarnissaanut imaqarnissaanullu maleruagassat Naalakkersuisut aalajangersarsinnaavaat.

*Imm. 3.* Akileraartartup inuttut atukkatigut annertuumik naatsorsuutiginngisamik eqqugaasimappat, aningaasanik imm. 1-imi taaneqartunit ikinnerusunik uteroorutissaqarpat, akileraaruseriffiup qinnuteqartoqartillugu akuersissuteqarfingisinnaavaa.

### *Nammineerluni nalunaarsuineq*

**§ 16.** Akileraaruseriffiup nammineerluni nalunaarsuiffissat ukiup aningaasarsiorfiusup qaangiunnerani akileraartussaatitaasunit piaartumik tiguneqartussangorlugit akileraartussaatitaasunut tamanut nassiussussavai.

*Imm. 2.* Akileraartussaatitaasup nammineerluni nalunaarsuiffissamik nassineqanngitsoornera akileraartussaatitaasup nammineerluni nalunaarsuiffimmik nassiussinissaanut pisussajunnaarsitsinngilaq.

*Imm. 3.* Nammineerluni nalunaarsuiffik kingusinnerpaamik nassiunneqassaaq ukiumi akileraarusiiffimmi ulloq 1. marts. Nammineerluni nalunaarsuiffik akileraaruseriffimmut akileraarusiinermik suliaqartussamut nassiunneqassaaq.

*Imm. 4.* Immikkut pissutissaqartillugu akileraaruseriffik nammineerluni nalunaarsuiffimmik nassitsinissap kinguartinneqarnissaanik akuersissuteqarsinnaavoq, tamanna akileraarusiilluni sulinerup aaqqissuunneqarneranut piffissarlu eqqorlugu naammassineqarnissaanut akornutaanngippat. Nammineerluni nalunaarsuiffimmik nassiussinissamik kinguartitsiniarluni qinnuteqaat tunngavilersugaassaaq, ukiumilu akileraarusiiffiusumi ulloq 1. marts nallertinnagu nassiunneqarsimassalluni.

*Imm. 5.* Nammineerluni nalunaarsuiffissap qanoq isikkoqarnissaanut nassiussornissaanullu maleruagassat Naalakkersuisut aalajangersarsinnaavaat, aammattaaq immersugassat Naalakkersuisut akuerisaasa akileraartussaatitaasunit qanoq atorneqarnissaannut maleruagassat Naalakkersuisut aalajangersarsinnaavaat.

**§ 17.** Akileraartussaatitaasup ukiumi aningaasarsiorfimmi aningaasarsiani, aningaasarsiat nul-imit anneruppata minneruppataluunniit, nammineerluni nalunaarsuummi nalunaarutigissavai. Aningaasarsiat akissaajaatinik ilanngariikkat qanoq atsiginerisa oqaatigineqarnerata saniatigut nammineerluni nalunaarsuutip imarissavai aningaasarsiat akissaajaatillu paasissutissallu allat akileraarutit angissusilerneqarnissaannut pingaarutillit immikkoortitaarneri Naalakkersuisunit aalajangersarneqartut. Aningaasarsiattaaq aningaasarsiat akileraaruteqaataasussat naatsorsornerannut ilangunneqartussaanngitsut nammineerluni nalunaarsuummi immikkoortitaarlugit allanneqarnissaat piumasarineqarsinnaavoq.

Akileraartussaatitaasut ulluinnarni naatsorsuusiorfimmi nammineerluni nalunaarsuinerminnut atatillugu paasissutissanik ulluinnarni atuinermanni akissaajaataanerusunut, matumani aamma namminerisamik (privatimik) ikiorteqarnermut, pequtinut annerusunut assigisaannullu akissaajaataasimasunut tunngasunik nalunaaruteqarnissaat pillugu maleruagassat Naalakkersuisut aalajangersarsinnaavaat.

*Imm. 2.* Aammattaaq nammineerluni nalunaarsuut akileraartussaatitaasup ukiup aningaasarsiorfiup naanerani, aammalu siornatigut nammineerluni nalunaarsuutaasimasumi takuneqarsinnaanngippat ukiup aningaasarsiorfiup aallartinnerani pigisaanut tunngatillugu paasissutissanik imaqassaaq. Pigisat nalunaarutigineqassapput, taakku nul-imit anneruppata minneruppataluunniit, aammalu pigisat akiitsullu Naalakkersuisut aalajangersaanerattut immikkut ersersillugit nalunaarutigineqassallutik.

*Imm. 3.* Akileraartussaatitaasut ulluinnarni naatsorsuusiorfimmi nammineerluni nalunaarsuummut peqatigitillugu nassiutissavaat ukiumi aningaasarsiorfimmi ingerlatsinermut naatsorsuutit ukiullu aningaasarsiorfiup naanerani pigisat akiitsullu, taamatullu aamma siornatigut nammineerluni nalunaarsuutaasimasumi takuneqarsinnaanngippata ukiup aningaasarsiorfiup aallartinnerani naatsorsorneqarfii.

**§ 18.** Inuussutissarsiummik ingerlatsisut naatsorsuusiorneq pillugu inatsisit malillugit naatsorsuusiorfimmi naatsorsuutinik, piumasarineqartunik minnerpaanik Naalakkersuisunit aalajangersagaasunik naammassinnittusanik suliaqarnissaannut, aammalu naatsorsuutit taakku tunngavigalugit ingerlatsinermut naatsorsuusianik, nammineerluni nalunaarsuutip nassiunneqarnissaanut piffissarititap qaangiutinnginnerani akileraaruseriffimmut nassiussinissaannut maleruagassat Naalakkersuisut aalajangersarsinnaavaat.

*Imm. 2.* Ingerlatsinermut naatsorsuutit taakku imm. 1 imaluunniit § 17, imm. 3 malillugu akileraaruseriffimmut nassiunneqartussat suliarineqarnissaannut maleruagassat Naalakkersuisut aalajangersarsinnaavaat.

*Imm. 3.* Ingerlatsinermut naatsorsuutit piffissaagallartillugu nassiunneqanngippata imaluunniit maleruagassat imm. 1 aamma 2 malillugit aalajangersarneqarsimasut naapertorlugit suliarineqarsimanngippata § 19, imm. 1-imi maleruagassat taamatuttaaq atuutissapput.

*Imm. 4.* Akileraartussaatitaasup imm. 1-imi aalajangersagaq malillugu naatsorsuusiorfimmi naatsorsuutit taakkualu tunngavii (bilagii) ukiup naatsorsuusiorfiup pineqartup naaneraniit ukiuni tallimani paarissavai.

**§ 19.** Nammineerluni nalunaarsuut pissusissamisoortoq piffissaagallartillugu nassiunneqarsimanngippat, piffissaagallartilluguli nassiussivissaq ullaat 10-t inorlugit qimmorneqarsimappat, aningaasarsianit akileraarutissat 2 procentimik qaffanneqassapput. Piffissarli ullormik ataasiinnarmik qimmorneqarsimappat qaffaasoqassangilaq. Piffissaagallartillugu nassiussivissaq ullaat 10-nik amerlanerusunilluunniit qimmorneqarsimappat aningaasarsianit akileraarutissat 5 procentimik qaffanneqassapput. Qaffaatissarli minnerpaamik 100 kr.-iussaaq annerpaamillu 2.000 kr.-iusinnaalluni.

*Imm. 2.* Immikkut pissutissaqartillugu akileraaruseriffiup qaffaammik imm. 1-im taaneqartumik tamakkiisumik ilaannakortumilluunniit qaffaasoqannginnissaa nalunaarutigisinnaavaa.

*Imm. 3.* Selskabip imaluunniit peqatigiiffiup ilaallu ilanngullugit naatsorsuutit, piffissami nassiussiviusumi suli ataatsimeersuartunit akuerineqanngitsut nammineerluni nalunaarsuummut ilanngullugit nassiussimappagit, ataatsimeersuartoqarnerata kingornagut kingusinnerpaamik ullaat 14-it qaangiunnerisigut akileraaruseriffik nalunaarfingineqassaaq ataatsimeersuartut naatsorsuutit pineqartut pillugit aalajangiinerannik. Nalunaarut piffissaagallartillugu nassiunneqanngippat, aammalu aningaasarsiat akileraarutissat naatsorsorneqarfiisa qaffanneqarnissaat ataatsimeersuartut aalajangiinerisa kingunerippassuk, selskabit akileraarutaannut qaffaat taakkununnga naapertuttoq imm. 1-im maleruagassat naapertorlugit naatsorsorneqartunik taperlugu akiligassiissutigineqassaaq.

**§ 20.** Naalakkersuisut misiligtitut aalajangersinnaavaat kommunimi ataatsimi arlaqartuniluunniit akileraartussaatitaasut kikkuuneri erseqqinnerusumik aalajangersagaasut nammineerluni nalunaarsummik nassiussissanngitsut.

*Imm. 2.* Akileraartussaatitaasut misiligmummi imm. 1-im taaneqartumi pineqartut aningaasarsiat akileraaruteqaataasussat pillugit nalunaarummik ukiumi akileraarusiiffiusumi ulloq 1. juli nallertinnagu nassinneqassapput.

*Imm. 3.* Akileraartussaatitaasoq aningaasarsiat akileraaruteqaataasussat pillugit nalunaarummik nassinneqarsimasoq, nalunaarut paasissutissanik akileraartussaatitaasup akileraarutissaanut pingaaruteqartunik tamanik imaqarsimanngippat imaluunniit nalunaarut paasissutissanik eqqunngitsunik imaqarpal ukiumi akileraarusiiffiusumi ulloq 15. august nallertinnagu akileraaruseriffimmut allakkatigut ilisimatitsissaaq.

### *Akileraarusiineq*

**§ 21.** Akileraarusiineq qaammatisiutit malillugit ukiumi, ukiup aningaasarsiorfiusup angissusiliiffigisap tulliani kingusinnerpaamik ulloq 1. september naammassineqareersimasariaqarpoq, taamaattorli tak. imm. 2 aamma § 47 aamma § 48.

*Imm. 2.* Selskabinik aamma peqatigiiffinnik ilaallu ilanngullugit akileraarusiineq qaammatisiutit malillugit ukiumi, ukiup aningaasarsiorfiusup angissusiliiffigisap tulliani kingusinnerpaamik ulloq 1. november naammassineqareersimassaaq, taamaattorli tak. § 47 aamma § 48.

*Imm. 3. Naalakkersuisut najoqquassatut ilitsersuutinik nalinginnaasunik, akileraarusiinermi atugassanik atulersitsisinnapput.*

*Inaarummik aamma akileraarutissanik naatsorsuineq*

**§ 22.** Akileraaruseriffiup akileraarutissavait, aningaasarsiat akileraaruteqaataasussat angissusilerneqarnerat tunngavigalugu naatsorsussavai.

**§ 23.** Akileraarutissavinnit ilanngaatigineqassapput akileraarutaagallartut:

- 1) akileraarutitut A-tut unerartitat,
- 2) akileraarutitut B-tut, ukiumi akileraarusiiffimmi kingusinnerpaamik ulloq 1. april akiliutigineqarsimasut,
- 3) aningaasarsianit akileraarutit pillugit inatsimmi § 85 najoqqutaralugu akiliutit, imaluunniit
- 4) aningaasarsianit akileraarutit pillugit inatsimmi § 94 najoqqutaralugu akiliutit.

*Imm. 2. Aammattaaq aningaasat, aningaasarsianit akileraarutit pillugit inatsimmi §§-it 69-72 najoqqutaralugit appaassutaasut akileraarutissavinnit ilanngaatigineqassapput.*

*Imm. 3. Aningaasat imm. 1 aamma 2, malillugit ilanngaatigineqartussat naatsorsorneranni akileraarutit § 15 najoqqutaralugu utertinnejqarsimajunnartut ilanngaatigineqassapput.*

*Imm. 4. Akileraartussaatitaasup aningaasat qanoq amerlatigisut akileraarutaagallartutut unerartinnejqarsimanerannik imaluunniit akiliutigineqarsimanerannik akileraaruseriffimmut nalunaarutiginnittussaanera pillugu maleruagassat Naalakkersuisut aalajangersarsinnaavaat.*

**§ 24.** Akileraarutissavait akileraarutaagallartunit § 23 malillugu ilanngaatigineqartussanit anneruppata, aningaasat annerussutaasut akileraartussaatitaasup, akileraarutissat sinnerisut akilissavai. Akileraarutissalli sinneri 100 kr.-init minnerusut akiligassiissutigineqassanggillat.

*Imm. 2. Akileraarutit sinnerinik akiligassaqarpat tapiliussat akileraarutit sinnerisa 8 procenttiinik angissusillit aamma akilerneqassapput.*

*Imm. 3. Akileraarutissat sinneri akileraaruseriffimmit akiligassiissutigineqassapput. Akileraarutissat sinneri imm. 2 malillugu tapiliussanik ilallit pingasunngorlugit avillugit akiligassanngussapput ukiumi akileraarusiiffimmi qaammatit septemberip, oktoberip aamma novemberip aallaqqataanni, qaammatit akiligassanngorfimmik 20-anni kingusinnerpaamik piffissaagallartillugu akilerneqarsimassallutik.*

*Piffissaagallartillugu akiliiffissaq kingulleq sapaataappat naliutuuppalluunniit imaluunniit arfinningorneruppat piffissarititaasoq ulluinnarmut tullermut sivitsorneqassaaq.*

*Imm. 4. Akileraarutissat sinnerisa ukiumi akileraarusiiffimmi ukiulluunniit tulliani akileraarutaagallartunut ilanngullugit akiligassiissutigineqarnissaannut maleruagassiat Naalakkersuisut aalajangersarsinnaavaat.*

*Imm. 5. Akileraarutissavait qaffanneqarnissaannik kinguneqartumik kingusinnerusukkut aalajangiineqarpat, akileraarutit aningaasartaat akiliinermi minnaarutaasut imm. 2, malillugu tapeqarlutik, aalajangiinermit qaammatit pingasut*

qaangiunneranni qaammatip tulliata aallaqqaataani akiligassanngussapput, qaammatillu akiligassanngorfiup ulluisa 20-at tassaalluni ulloq piffissaagallartillugu akiliiffissaq kingulleq. Ulloq piffissaagallartillugu akiliiffissaq kingulleq sapaataappat nalliuuttuuppalluunniit imaluunniit arfininngorneruppat piffissaritaasoq ulluinnarmut tullermut sivitsorneqassaaq. Akileraarutit sinneri imaluunniit imm. 1 malillugu akileraarutit sinnerinut amerlissutit imm. 2, malillugu tapillit ukumi akileraarusiiffimmi ullormit 1. septemberimiit aallartittumik ullup aalajangiineq pillugu nalunaaruteqarfiusup tungaanut qaammatit aallartinneri tamaasa 0,5 procentimik ernialersorneqassapput.

*Imm. 6.* Inaarutaasumik naatsorsuinermik allanngortitsineq akileraarutit sinnerisa siusinnerusukkut naatsorsorneqartut apparinnejarnernikkim imaluunniit akiligassaajunnaarnerannik kinguneqarpat, aningaasat akileraarutit sinnerinik appaassutaasut imm. 2 malillugu tapillit, ullup aalajangiineq pillugu nalunaaruteqarfiusup kingorna qaammatip tulliuttup qaninnerup naannginnerani tunniunneqassapput. Akileraartussaatitaasoq ukumi akileraarusiiffimmi ullormit 1. septemberimiit aallartittumik qaammatit aallartinneri tamaasa 0,5 procentimik erniasiaqartinneqassaaq.

*Imm. 7.* Aningaasat imm. 3-miit 6-imut, taaneqartut koruuninut ilivitsunut ammut akunnaallineqassapput.

**§ 25.** Akileraarutaagallartut § 23 malillugu ilanngaatigineqartut akileraarutissavinnit anneruppata aningaasat annerussutaat akileraarutit sippuutaattut akileraartussaatitaasumut utertinneqassapput. Akileraarutillii sippuutaat 100 kr.-init minneruppata utertitsisoqassanngilaq.

*Imm. 2.* Akileraarutit sippuutaannik utertitsinermi akileraartussaatitaasoq aningaasat 4 procentiannik taartisiaqartinneqassaaq. Akileraarutit sippuutaasa aningaasat nammineq piumassutsimik akiliutigineqarsimasut naligippatigit taartisiaqartitsisoqassanngilaq.

*Imm. 3.* Akileraarutit sippuutaat akileraaruseriffimmit utertinneqassapput.

*Imm. 4.* Akileraarutit sippuutaat taartisiallu ukumi akileraarusiiffimmi ulloq 1. september nallertinnagu utertinneqassapput. Utertitsineq ullormit 1. septemberimit kingusinnerusukkut pippat akileraartussaatitaasoq § 44, imm. 4-mi maleruagassaq malillugu erniasiaqartinneqassaaq.

*Imm. 5.* Akileraarutissaviit apparneqarnernissaannik kinguneqartumik kingusinnerusukkut aalajangiineqarpat, akileraarutit aningaasartaat akiliinermi annaarutaasimasut imm. 2 malillugu taartisiartalerlugit aalajangiinerup kingorna qaammatip ataatsip qaangiutinnginnerani utertinneqassapput. Akileraartussaatitaasoq ukumi akileraarusiiffimmi ullormit 1. septemberimiit aallartittumik ullup aalajangiineq pillugu nalunaaruteqarfiusup tungaanut aningaasat utertinneqartut 0,5 procentiannik qaammatit aallartinneri tamaasa erniasiaqartinneqassaaq. Utertitassalli aningaasanut § 24, imm. 5 malillugu akiligassiissutigineqarsimasunut tunngasut erniaat aatsaat ulloq akiligassanngorfiat aallarnerfigalugu naatsorsorneqassapput.

*Imm. 6.* Inaarutaasumik naatsorsuinermik allanngortitsineq akileraarutit sippuutaasa akileraartussaatitaasumut utertinneqareersimasut, tak. imm. 1, apparinnejarnernissaannik imaluunniit utertinneqartussajunnaarnerannik kinguneqarpat, aningaasat imm. 2 malillugu taartisiartallit utertinneqassapput. Aningaasat oqaaseqatigiinni siullerni taaneqartut tamarmiusut ukumi akileraarusiiffimmi ullormit 1. septemberimiit aallartittumik ullup aalajangiineq

pillugu nalunaaruteqarfiusup tungaanut qaammatit aallartinneri tamaasa 0,5 procentimik ernialersorneqassapput. Aningaasat akilerneqartussanngussapput aalajangiinermiit qaammatit pingasut qaangiunnerisa kingorna qaammatip tulliuttup aallaqqataani, piffissaagallartillugulu akiliiffissaq kingulleq tassaavoq qaammatip akiligassanngorfiup ulluisa 20-at. Piffissaagallartillugu akiliiffissaq kingulleq sapaataappat nalliuuttuuppalluunniit imaluunniit arfininngorneruppat piffissarititaasoq ulluinnarmut tullermut sivitsorneqassaaq.

*Imm. 7.* Aningaasat imm. 4-miit 6-imut, taaneqartut koruuninut ilivitsunut ammut akunnaallineqassapput.

**§ 26.** Toqusup ukiumi aningaasarsiorfimmi toqquiusumi aningaasarsiaasa akileraarutaannik inaarutaasumik angissusiliinermi § 24, imm. 2 malillugu tapiliussanik naatsorsuisoqassanngilaq, taamatullu § 25, imm. 2 malillugu taartisiassanik akiliisoqassanani.

*Imm. 2.* Akileraaruseriffiup akileraarutit sippuitigiunnagaat akilissavai nammineerluni nalunaarsuutip akileraaruseriffimmit tiguneqarneranit kingusinnerpaamik qaammatit tallimat qaangiunnerisigut. Piffissaagallartillugu utertitsineqanngippat pigisat toqusup qimatai § 44, imm. 4-mi maleruagassiaq malillugu aningaasat erniaannik erniasiaqartinneqassapput.

*Imm. 3.* Pigisat toqusup qimatai akileraarutissat sinneriunnagaannik akiliissapput inaarutaasumik angissusiliineq pillugu nalunaarummik tigusaqarnermit qaammatit pingasut qaangiunneranni qaammatisiutit malilligit qaammammi tulliuttumi, qaammatip akiligassanngorfimmik 20-anni kingusinnerpaamik piffissaagallartillugu akilerneqarsimasussanik. Ulloq piffissaagallartillugu akiliiffissaq kingulleq sapaataappat nalliuuttuuppalluunniit imaluunniit arfininngorneruppat piffissarititaasoq ulluinnarmut tullermut sivitsorneqassaaq.

*Imm. 4.* Aningaasat imm. 2-mi 3-milu, taaneqartut koruuninut ilivitsunut ammut akunnaallineqassapput.

**§ 27.** Selskabit peqatigiiffiillu ilallu ilanggullugit tamakkiisumik imaluunniit killilimmik akileraartussaatitaasut akileraarutissaasa 99 kr.-it sinnersimappatiget, akileraarutit tapiliussanik akileraarutit 6 procentiannik ilallugit akileraaruseriffimmit akiligassiissutigineqassapput.

*Imm. 2.* Akileraarutit tapiilu imm. 1, malillugu ilangunneqartut ukiumi akileraarusiiffimmi ullormi 1. novemberimi akiligassanngussapput, novemberip 20-ani kingusinnerpaamik piffissaagallartillugu akilerneqarsimassallutik. Ulloq piffissaagallartillugu akiliiffissaq kingulleq sapaataappat nalliuuttuuppalluunniit imaluunniit arfininngorneruppat piffissarititaasoq ulluinnarmut tullermut sivitsorneqassaaq.

*Imm. 3.* Akileraarutit qaffanneqarnissaannik kinguneqartumik kingusinnerusukkut aalajangiineqarpal aningaasat akiliinermi minnaarutaasut imm. 1 malillugu taperlugit aalajangiinermiit qaammatit pingasut qaangiunneranni qaammatip tulliuttup aallaqqataani akiligassanngussapput, qaammatillu akiligassanngorfiup ulluisa 20-at tassaalluni ulloq piffissaagallartillugu akiliiffissaq kingulleq. Ulloq piffissaagallartillugu akiliiffissaq kingulleq sapaataappat nalliuuttuuppalluunniit imaluunniit arfininngorneruppat piffissarititaasoq ulluinnarmut tullermut sivitsorneqassaaq. Akileraarutit oqaaseqatigiit siullit malillugit qaffanneqartut imm. 1 malillugu tapillit ukumi akileraarusiiffimmi ullormit 1. novemberimiit ullup

aalajangiineq pillugu nalunaaruteqarfiusup tungaanut qaammatit aallartinneri tamaasa 0,5 procentimik ernialersorneqassapput.

*Imm. 4.* Akileraarutit apparneqarnissaannik kinguneqartumik kingusinnerusukkut aalajangiineqarpat aningasat akiliinermi annaarutaasut 6 procentimik taperlugit aalajangiinermit qaammat ataaseq qaangiutsinnagu utertinneqassapput.

Akileraartussaatitaasoq ukiumi akileraarusiiffimmi ullormit 1. novemberimiit aallartittumik ullup aalajangiineq pillugu nalunaaruteqarfiusup tungaanut qaammatit aallartinneri tamaasa aningasat utertitat 0,5 procentiannik erniasiaqartinneqassaaq. Utertitassalli aningasanut imm. 3 malillugu akiligassiissutigineqarsimasunut tunngasut erniaat aatsaat ullormit akiligassanngorfigisamit naatsorsorneqassapput.

*Imm. 5.* Aningasat imm. 2-miit 4-mut taaneqartut koruuninut ilivitsunut ammut akunnaallineqassapput.

*Imm. 6.* Tapiliussat imm. 1-imi, 3-mi aamma 4-mi taagorneqartut akileraarutinik selskabinut peqatigiiffinnullu ilaallu ilanngullugit akiligassiinermi atorneqannginnissaat akileraaruseriffiup pissutsini immikkut ittuni, suleriaasissat Naalakkersuisunit aalajangersarneqarsimasut naapertorlugit akuersissutigisinnaavaa.

**§ 28.** Pissutsit akileraartussaatitaanermut tunngasut ukiup ingerlanerani allannguuteqarsimappata nammineerluni nalunaarsuutit tunniunneqarnissaannut, akileraarusiinermut, aningasarsianit akileraarutinik akiliinissamut, akiliisitsiniarnissamut ernialersuinermullu ilaallu ilanngullugit maleruagassianik immikkut ittunik Naalakkersuisut aalajangersaasinnaapput.

**§ 29.** Aalajangiiffigineqartussap akileraarutit sinnerinik, akileraarutissavinnik qaffatanik, aningasarsianit akileraarutinik, imaluunniit aningasarsianit akileraarutinik qaffatanik akiliinngitsoorniarnissaa qularnaappat ilimanaateqarpallu, akileraaruseriffik piffisanik akiligassanngorfinnik akiliiffissanillu § 24, imm. 3-mi 5-imilu, § 25, imm. 6-imi aamma § 27, imm. 2-mi 3-milu aalajangersarneqartunit sivikinnerusunik aalajangersaasinnaavoq. Piffissaq akiligassanngorfik ullunit arfineq-marlunnit sivikinnerusinnaanngilaq, piffissalu akiliiffissaq ullunit 14-init sivikinnerusinnaanani.

## **Kapitali 6**

### *Paasissutissanik nalunaaruteqarneq*

**§ 30.** Akileraarutinik annertussusiliinermi akileraarutissanillu naatsorsuinermi atugassanik kikkulluunniit akileraarutit pillugit inatsimmi § 75, imm. 1-imi aamma 2-mi taaneqartunik suliffeqarfimmini aningasarsianik akiliisoq ukiut tamaasa qaammatip januarip naannginnerani aningasat taamaattut akilerneqartut tamarmiusut kiisalu akileraarutit A-t unerartitat annertussusaannik nalunaaruteqassapput. Aammattaaq paasissutissat uku tunniunneqassapput:

- 1) tigusisut ataasiakkaat aningasarsiaat tamakkerlugit,
- 2) aningasarsianit akileraarutit A-t unerartitat,
- 3) sulisut ataasiakkaat soraarnerussutisianut imaluunniit inuunermut sillimmasiinerannut sulisitsisut akiliutaat aningasarsianit akileraarutit pillugit inatsisartut inatsisaanni § 41, imm. 2-p ataani ilaasut aningasartaat tamarmiusut,

4) ajunngitsorsiat tamarmiusut ilaannakortulluunniit soorlu nerisaqarneq ineqarnerlu, najugaqarneq, akunnittarfinniinneq, angalanerit, biilit telefonilu assigisaallu,  
5) tigusisup aqqa, inuttut normua, najugaa aamma kommuuni akileraartarfia aamma  
6) paasissutaasinaasut allat tigusisup kinaaneranik paasinninnissamut pisariaqartut,  
*Imm. 2.* Suliffeqarfik atorunnaarpal ukiumi aningaasarsiorfiusumi ingerlareersumi paasissutissat tunniunneqassapput kingusinnerpaamik aningaasarsitsivimmuit kingullermiit ullut qulit qaangiuppata.

*Imm. 3.* Kikkulluunniit atuakkiortunut, erinniortunut, eqqumiitsuliortunut, oqalugiartartunut assigisaannulluunniit aningaasarsisitsisut, suliffeqarfimmik atornermut attartornermulluunniit, kisermaassilluni atuisinnaanermut imaluunniit patentimik atuisinnaanermut akitsuutinik, ilusilersukkanut, nioqququtissap ilisarnaataanut assigisaannulluunniit akiliisoq, akitsuut ingerlaavartumik akilerneqartalaruarpat ataatsikkulluunniit akilerneqaralaruarpat imm. 1-imi aalajangersagaq malillugu paasissutissanik tunniussisussaatitaapput.

*Imm. 4.* Akunnermiliuttoq aqqutigalugu aningaasarsianik akiliisoqarpat, taanna paasissutissiisussaatitaavoq, sulisitsisoq paasissutissanik tunniussisinnanngippat. Sulisitsisoq, imaluunniit akunnermiliuttoq, ikiortissarsinermini taassuma aqqanik, najugaqarfianik eqqortumik kiisalu inuup normuanik pissarsissaq.

*Imm. 5.* Paasissutissat akileraaruseriffimmut tunniunneqassapput.

**§ 31.** Tigusisartoq § 30-mi taaneqartunik isertitaqartartoq Kalaallit Nunaanni akileraartussaatitaajunnaarpal, paasissutissiisussaatitaasoq qinnuivigineqarnini malillugu paasissutissiisaaq § 30-mi taaneqartut aningaasat annertussusaannik qaammatisiutit malillugit ukiup aallartineraniit akileraartussaatitaanerup atorunnaarnerata tungaanut pineqartup aningaasarsiaanik kiisalu akileraarutit A-t unerartitat annertussusaannik.

*Imm. 2.* Taamatuttaaq qinnuivigineqarneq malillugu pineqartoq taassumaluunniit sinniisia, imaluunniit toqusup qimataanik aqutsisuusinnaasoq, paasissutissanik tunineqassaaq.

**§ 32.** § 30 aamma § 31, imm. 1 malillugu aningaasarsiaqartoq pillugu paasissutissat assilineranik aningaasariaqartoq tunineqassaaq.

**§ 33.** §§ 30-32 malillugit paasissutissiisutaasussat pillugit malittarisassanik Naalakkersuisut aalajangersaasinaapput, taassumalu ataani paasissutissanik tunniussisussaatitaasut immikkoortuinut paasissutissiisutaasussanut piumasaqaatit oqilisinnissaanmut. Naalakkersuisut aamma malittarisassanik aalajangersaasinaapput, taassuma kingorna tigusisumut isertitat A-junngitsut eqqarsaatigalugit § 30, malillugu immikkut paasissutissiisoqarsinnaanngortillugu. Akiliutigineqartut piffissap aningaasarsiorfiusup naareernerani akilerneqartut ukiumi sorlermi nalunaarutigineqarnissaat pillugu Naalakkersuisut malittarisassanik aalajangersaasinaapput.

**§ 34.** Malittarisassat Naalakkersuisut aalajangersagaat malillugit unerartitsisussaatitaasut pillugit akileraaruseriffik nalunaarsuissaaq.

*Imm. 2.* Malittarisassani imm. 1-imi taaneqartuni aalajangersarneqarsinnaavoq unerartitsisussaatitaasut akileraaruseriffimmut ukuninnga nalunaaruteqassasut:  
1) unerartitsisussaatitaanerup aallartinnera taamaatinneralu,

- 2) unerartitsisussaatitaasup najugaqarfia allanngornera aamm
- 3) aningaasarsianik A-nik tigusisartut ilanngunneri ilaajunnaarnerilu.

**§ 35.** Naalakkersuisut malittarisassanik aalajangersaasinnaapput aningaaseriviit, sparekarsit, akiligassarsinermi akunnermiliuttartut allallu pisortat pappiliaataannik nalilinnik kaaviviaartitsisartut inatsisillu malillugit pappiaqqanik nalilinnik pisineq tunisinerlu pillugit niuernermanni nalunaarsuiffeqartussasut akileraarutissanik annertussusiliinermi naatsorsuinermilu atugassanik akileraaruseriffimmut paasissutissanik nalunaaruteqartassasut. Taassuma ataani Naalakkersuisut malittarisassanik aalajangersaasinnaapput eqqartuussissuserisoq pisinnaatinneqartorluunniit alla pisumik tunisumilluunniit sinniisuusoq sullitap inuttut normuanik imaluunniit selskabip normuanik, aqqanik najugaqarfianillu paasissutissiissasoq.

**§ 36.** Suliffeqarfimmik ingerlatsinermut atatillugu, ernianut akiliutinik tigusisartoq imaluunniit ernialerlugit akiligassarsisitsartoq, akileraarutissat annertussusilernissaannut atugassamik kajumissaarneqarani ukiup ingerlanerani erniat akilerneqartut imaluunniit pissarsisitsissutigineqartut annertussussaannik kiisalu ernialiissutit imaluunniit erniat akiligassangortinneqartut, ernialiinermi ulloq kiisalu ukiup siuliani aningaasat uninngasuutit akiitsulluunniit annertussusaat pillugit akileraaruseriffimmut paasissutissiissaaq. Paasissutissiisussaatitaaneq kontonut assigisaannullu ukiup ingerlanerani atorunnaarsinneqartunut aamma atuuppoq.  
*Imm. 2. Imm. 1 malillugu paasissutissiisutigineqartussat pillugit Naalakkersuisut annertunerusunik malittarisassiorsinnaapput.*

**§ 37.** § 36, imm. 1 malillugu kontomik pilersitsoq kontomik piginnittup inuttut normua imaluunniit selskabip nalunaarsorneqarnerani normua paasissutissiisutigissavaa. § 36 malillugu paasissutissiisutissaatitaasut kontomik piginnittup inuttut normuanik imaluunniit nalunaarsorneqarnermi normumik akileraaruseriffiup paasisissinnaavai.  
*Imm. 2. Imm. 1 malillugu paasisitsissutigineqartussat pillugit Naalakkersuisut malittarisassanik aalajangersaasinnaapput.*

**§ 38.** Pisortat karsiisa, aktieselskabit, anpartsselskabit, aningaaseriviit, sparekarsit allallu Kalaallit Nunaanni ernianut pissarsianullu allattuiffissianik akiliisartut malittarisassat Naalakkersuisut aalajangersagaat malillugit akiliinissamut piumasqaatitut paasissutissat uku akileraaruseriffimmut nassutiissavaat:  
1) akiliisoqarnissaanik qinnuteqateqartup kinaaneranik upernarsaatit pisariaqartut,  
2) immersugassiamik piginnittup inuttut normua, aqqa najugaalu,  
3) immersugassiami aningaasat annertussusaat aamma  
4) aktiat anpartillu eqqarsaatigalugit selskabip aqqa.  
*Imm. 2. Paasissutissat nalunaarutiginissaasa կսկսատ pillugit malittarisassanik Naalakkersuisut aalajangersaasinnaapput.*

**§ 39.** Soraarnerussutisianut karsit, inuunermut aamma soraarnerussutisianut sillimmasiisarfiit allallu soraanerussutisianik akiliisartut imaluunniit inuunermut sillimmatiniit ingerlaavartumik akiliisartut akileraaruseriffimmut ukuninnga paasissutissiisassapput:

- 1) ilassutitut sillimmasiinermullu akiliutit,
- 2) soraarnerussutisianik aaqqissuussinernit aningaasarsianit akileraarutit pillugit inatsisartut inatsisaanni §§ 39 aamma 40 taaneqartunit akiliutigineqartut,
- 3) soraarnermi ajunngitsorsianik, utertitsilluni nalilinnik pisinermut aaqqissuussinernilu taamaattuni bonusit akiliutigineqartut,
- 4) aningaasarsianit akileraarutit pillugit inatsisartut inatsisaanni § 46, imm. 5-imi taaneqartunik aalajangersaanerit, aalajangersakkat taakku soraarnerussutisianut karsit, inuunermut soraarnerussutisianillu sillimmasiisarfii allallu ilisimasaannik pisuuppata.

*Imm. 2.* Soraarnerussutisiassaqarnermik nalunaaruteqarneq imaluunniit sillimmasiinerit allagartaat assigiinngitsunik aaqqiinernik, akiliut imaluunniit sillimmasiinermi akiliut aningaasarsianit akileraarutit pillugit inatsisartut inatsisaanni § 39-mi ilaannngitsunik imaqarpat, soraarnerussutisiassaqarnermik nalunaarut imaluunniit sillimmasiinermi allagartaq akiliutip imaluunniit sillimmasiinermut akiliutip soraarnerussutisianut sillimmasiinernullu ataasiakkaanut qanoq agguataarneqarneranik imaqassaaq, kiisalu soraarnerussutisianut karsi imaluunniit sillimmasiisarfik aningaasat agguataarnerannik paasissutissiissalluni.

*Imm. 3.* Imm. 1 aamma 2 malillugu paasissutissiissutissanut malittarisassat Naalakkersuisut aalajangersarsinnaavaat.

## Kapitali 7

### *Aningaasarsianit akileraarutinik agguaneq isumannaarinerlu*

**§ 40.** Nuna tamakkerlugu akileraarutit aamma nuna tamakkerlugu immikkut akileraarutit landskarsip pisassarai.

*Imm. 2.* Kommuninut akileraarutit kommunip akileraarfiiup pisassarai.

*Imm. 3.* Kommuninut ataatsimut akileraarut kommuninut nakkartinneqartussaq § 41 naapertorlugu assigiissaarinermik aaqqissuussinermut tamakkiisumik ilaavoq.

*Imm. 4.* Iluanaarutisianit akileraarutit landskarsip, kommunip akileraarfiiup kommunillu pisassaraat imm. 1-imiit 3-mut aalajangersakkat naapertorlugit.

*Imm. 5.* Selskabit suliffeqarfiillu, Kalaallit Nunaanni atortussiassat aatsitassanit pisut il.il. pillugit inatsit naapertorlugu pisinnaatitaaffeqartut aningaasarsianit akileraarutaat, tamatumani ilaallutik iluanaarutisianit akileraarutit, landskarsip pisassarai. Aningaasarsianit iluanaarutisianillu akileraarutinut taamaattunut §§-it 27 aamma 43, naapertorlugit tapiliunneqartartut ernialiunneqartartullu taamatulli landskarsimit pisassarineqarlutillu akilerneqartassapput.

*Imm. 6.* Landskarsip suliffeqarfiutaasa aktie- imaluunniit anpartsselskabinngortinneqarsimasut selskabillu akileraaruseriffimmik kommunit akileraafeqartut akileraarutaat, tassani ilaallutik iluanaarutisianit akileraarutit, landskarsip pisassarai. Selskabit akileraarutaannut iluanaarutisianillu akileraarutinut taamaattunut §§-it 27 aamma 43 naapertorlugit tapiliunneqartartut ernialiunneqartartullu taamatulli landskarsimit pisassarineqarlutillu akilerneqartassapput.

*Imm. 7.* Selskabit akileraarutaat landskarsip, kommunip akileraarfiusup kommunillu pisassaraat, taamaattorli tak. imm. 5 aamma 6, aningaasarsianit akileraarutit pillugit inatsimmi § 61 naapertorlugu ukumi aningaasarsiorfiusumi

akileraarusiissutigineqarsimasup, aningaasarsianit akileraarutit pillugit inatsimmi § 62 naapertorlugu ukiumi aningaasarsiorfiusumi 1. januarimi innuttaasut amerlassusiat malillugu akileraarusiissutigineqarsimasup, aammalu aningaasarsianit akileraarutit pillugit inatsimmi § 63 naapertorlugu ukiumi aningaasarsiorfiusumi akileraarusiissutigineqarsimasup assigiinngissutaat naapertorlugu.

*Imm. 8.* Akileraarutit aningaasarsianit akileraarutit pillugit inatsimmi § 46 naapertorlugu akilerneqartut landskarsip, kommunip akileraarfiup kommunillu pisassaraat, aningaasarsianit akileraarutit pillugit inatsimmi § 61 naapertorlugu ukiumi aningaasarsiorfiusumi akileraarusiissutigineqarsimasup, aningaasarsianit akileraarutit pillugit inatsimmi § 62 naapertorlugu ukiumi aningaasarsiorfiusumi 1. januarimi innuttaasut amerlassusiat malillugu akileraarusiissutigineqarsimasup, aammalu aningaasarsianit akileraarutit pillugit inatsimmi § 63 naapertorlugu ukiumi aningaasarsiorfiusumi akileraarusiissutigineqarsimasup assigiinngissutaat naapertorlugu.

*Imm. 9.* Akileraarutit imm. 1-mi 2-milu aamma 4-miit 8-mut taaneqartut kiisalu taakkununnga ernialiussat tapiliussallu akilerneqannginnerisigut annaasat landskarsip annaasarissavai.

**§ 41.** Kommunit agguaqatigiissillugu inummut ataatsimut akileraarutitigut isertitaasa assigiinngissutaannut matusissutissanik kommunit akileraarutitigut isertitaannik agguassisarnissamut maleruagassiat Naalakkersuisut KANUKOKA-mik isumaqatiginninniareerlutik aalajangersassavaat.

**§ 42.** Akileraaruseriffik ukiumi aningaasarsorfimmik tulliuttumi akileraarutitigut isertitassanut missingersuusiamik ukiut tamaasa ulloq 1. juli nallertinnagu sanasassaaq.

*Imm. 2.* Akileraarutit kommunit akornanni aamma landskarsip kommunillu akornanni isumannaarneqartarnissaat pillugu maleruagassat Naalakkersuisut aalajangersassavaat.

## **Immikkoortoq IV** **Erniat, piffissarititat, isumakkeerinnittarneq il.il.**

### **Kapitali 8** *Erniat, tapiliussat aamma utertitsinissamut piffissarititaq*

**§ 43.** Akileraarutit piffissaagallartillugu akilerneqanngippata, imaluunniit akiliinissap kinguartinneqarnissaa akuerineqarsimappat, ullormit akiligassanngorfiannit qaammatit aallartinneri tamaasa qaammammoortumik erniat 1 pct.-it, taamaattorli minnerpaamik 500 kr.-it akilerneqassapput. Tamanna aamma atuuppoq unerartitsisussaataasunut aningaasarsianit akileraarutit pillugit inatsimmi § 30-mi imaluunniit § 81-imil pineqartunut. Erniat landskarsip pisassarai. Erniat aningaasarsiat akileraaruteqaataasussat naatsorsorneqarneranni ilanngaatigineqarsinnaanngillat.

*Imm.* 2. Tapiliussat, tak. § 24, imm. 2 aamma § 27, imm. 1, kiisalu taartisiat, tak. § 25, imm. 2, landskarsip pisassaralugillu akiligassarai.

**§ 44.** Inatsimmi matumani imaluunniit akileraartarnermut inatsisini allani allatut aalajangersaasoqarsimanngippat akileraarutinut akiliutaavallaarsimasut kingusinnerpaamik qaammatip, akileraaruseriffiup utertitsinissamik qinnuteqaammik tigusaqarfiata tulliani ulluinnarmi kingullermi utertinneqassapput. Aningaasat 100 kr.-init minnerusut tunniunneqassangillat.

*Imm.* 2. Akileraaruseriffik utertitsivigineqartussamut tunngasut pissutigalugit qinnuteqaammut tunngaviusumik misissuisinnaanngippat utertitsinissamut piffissarititaq kipitikkallarneqassaaq pissutsit pineqartut misissuinissamut akornutaajunnaarserlugit.

*Imm.* 3. Utertitsivigineqartussaq nammineerluni nalunaarsuummik aamma/imaluunniit akitsuutit pillugit nalunaarummik piffissaagallartillugu nassiussaqarsimanngippat, akileraaruseriffiup utertitsinissaq kinguartissinnaavaa nammineerluni nalunaarsuutip aamma/imaluunniit akitsuutit pillugit nalunaarutip tiguneqarnissaata tungaanut. Utertitsinissaq kinguartinneqarpat utertitsinissamut piffissarititaq kipitikkallarneqassaaq.

*Imm.* 4. Akileraarutit utertitsinissamut piffissarititamit kingusinnerusumik imaluunniit §§-ini 25, imm. 4-mi aamma 26, imm. 2-mi imaluunniit akileraartarnermut inatsisini allani aalajangersarneqarsimasumit kingusinnerusumik utertinneqarpata, utertitsinissamut piffissarititap qaangiunneraniit qaammatit aallartinneri tamaasa qaammammut 1 procentimik ernialersorneqassapput. Erniat landskarsip akilissavai. Erniat aningaasarsiat akileraaruteqaataasussat naatsorsorneranni ilanngunneqassapput.

**§ 45.** Akileraarutinut akiligassat ernialersorneqarnerat akileraaruseriffiup unitsissinnaavaa, akiligassalik akiitsuminik akilersuisinnaanngippat ukiunilu qaninnerni taamaaliorsinnaassangippat. Akiligassallip aningaasarsiornera pitsangoriaateqarpat imaluunniit akileraaruseriffik ernialersuinerup unitsinneqarnissaanik aalajangiisoqarnerani paassisutissanik pisariaqartunik tamanik pigisaqarsimanngitsoq paasineqarpat, akileraarutinut akiligassat ernialersorneqarnerat akileraaruseriffiup aallarteqqissinnaavaa.

*Imm.* 2. Akiligassallit imm. 1-im i pineqartut taamaallaat tassaapput inuit.

*Imm.* 3. Imm. 1-ip atorneqarnissaanut maleruagassat Naalakkersuisut erseqqinnerusumik aalajangersarsinnaavaat.

## Kapitali 9

*Utertitsilluni akiliisoqarnissaanik piumasaqarneq*

**§ 46.** Akileraarutinik akiliugitineqarpallaartut utertitsilluni akileeqqusineq utertitsilluni akiliinissamut piffissarititaq sioqqullugu pisinnaanngilaq. Tunniussinerit taamaattut atortussaatitaanngillat.

## **Kapitali 10**

*Aningaasarsianit akileraarutit pillugit piffissarititat il.il.*

### *Angissusiliineq nalinginnaasoq*

**§ 47.** Akileraaruseriffik aningaasarsianit akileraarutinik angissusiliinissamik allannguinissamilluunniit ilimasaarummik § 12, imm. 1-imí taaneqartumik nalunaarutiginnissinnaanngilaq ukiup aningaasarsiorfiusup qaangiunneraniit ukiut tallimassaanni ullormit 31. oktoberimit kingusinnerusukkut. Angissusiliineq kingusinnerpaamik pissaaq ukiup aningaasarsiorfiusup qaangiunneraniit ukiut arfinilissaanni 31. januarimi.

*Imm. 2.* Akileraartussaatitaasup aningaasarsiami akileraarutaannik angissusiliiffigineqarnermi allangortinneqarnissaanik kissaateqartup, paasissutissat piviusut eqqartuussivikkulluunniit uppermarsarneqartut allannguinissamut tunngaviusinnaasut saqqummiutissavai kingusinnerpaamik ukiup aningaasarsiorfiusup qaangiunneraniit ukiut tallimassaanni 31. oktoberimi.

*Imm. 3.* Ukiumi aningaasarsiorfiusumi, paragraffi una malillugu piffissaritat avataanniittumi nalikilliliinissamut tunngavimmik naliliineq allanngortitaq tunngavigalugu angissusiliineq imm. 1 malillugu suliarineqarsinnaavoq allanngortinneqarsinnaalluniluunniit, angissusiliineq missingersuinermik tunngaveqanngippat.

*Imm. 4.* Amigartoorutinik annasanilluunniit ukiuni kingusinnerusuni ilanngaatigineqarsinnaasunik ukiumi aningaasarsiorfiusumi, maleruagassaq una malillugu piffissaritat avataanniittumi nammineerluni nalunaarutigineqarsimasunik naliliineq allanngortitaq tunngavigalugu angissusiliisoqarsimappat, angissusiliineq imm. 1, malillugu suliarineqarsinnaanngilaq allanngortinneqarsinnaananiluunniit.

*Imm. 5.* Akileraartussaatitaasumut ukiup aningaasarsiorfiusup qaammatisiutit malillugit ukioq assiginngippagu, piffissaritat ukiup ukiumit aningaasarsiorfiusumit taarserneqartup naaneraniit aallartittumik naatsorsorneqassapput.

*Imm. 6.* Imm. 1 imaluunniit 2, naapertorlugu angissusiliineq naligiissitsinermi kisitsimmik naatsorsuinermut tunngassuteqarpat, ukiup aningaasarsiorfiusup aallartinnerani naatsorsugaq taamaallaat naatsorsorneqarsinnaalluniluunniit allanngortinneqarsinnaavoq ukiup aningaasarsiorfiusup siuliani angissusiliineq, ukiup aningaasarsiorfiusup siuliani tessani ukiup naanerani naatsorsukkamut tunngatillugu taamatulli allanngortinneqarpat.

### *Angissusiliineq immikkut ittoq*

**§ 48.** § 47, imm. 1-imí piffissarititaq apeqquaatinngagu akileraaruseriffik aningaasarsianit akileraarutinik angissusilermk suliaqarsinnaavoq allanngortitsisinnaalluniluunniit, akileraaruseriffik akileraartussaatitaasup qanoq iliornerinik pisuussuteqarani ilisimanninnginnini pissutigalugu angissusiliinermik suliaqarsinnaasimanngippat allanngortitsisinnaasimanngippalluunniit.

Akileraaruseriffiup akileraartussaatitaasup qanoq iliorneri pillugit ilisimannilerneraniit naliginnaasumilluunniit sissuernermigut

ilisimannilersinnaaffianiit kingusinnerpaamik qaammatit arfinillit qaangiunneranni akileraaruseriffik aningaasarsianit akileraarutinik angissusiliinermik suliaqarnissaq allanngortitsinissarluunniit pillugu ilimasaarummik § 12, imm. 1-imí taaneqartumik nassiussaqassaaq. Angissusiliineq kingusinnerpaamik pissaaq ilimasaarutip § 12, imm. 1-imí taaneqartup nassiunneraniit qaammatit arfinillit qaangiunneranni.

*Imm. 2. § 47, imm. 2-mi piffissaritaq apeqquataatinnagu akileraartussaatitaasoq paasissutissanik piviusunik eqqartuussivikkulluunniit uppermarsarneqartunik, aningaasarsiaminit akileraarutinik angissusiliinermik allanguinissamut tunngaviusinnaasunik saqqummiussisinnaavoq, akileraartussaatitaasoq pisuussuteqarani ilisimanninnginnini pissutigalugu paasissutissanik taakkuninnga siusinnerusukkulli saqqummiussisinnaasimannngippat, tak. Akiligassat ilaasa nutaanngilisarnerat pillugu inatsimmi nr. 274, 22. december 1908-meersumi § 3. Akileraartussaatitaasup paasissutissat saqqummiutissavai, akileraartussaatitaasup pissutsinik piviusunik eqqartuussivikkulluunniit uppermarsarneqartunik, akileraartussaatitaasup angissusiliiffigineqarnerata allanngortinneqarnissaanut tunngaviusinnaasunik ilisimannilerneraniit naliginhaasumilluunniit sissuernermigut ilisimannilersinnaaffianiit kingusinnerpaamik qaammatit arfinillit qaangiunneranni.*

### *Akileraarutit eqqarsaatigalugit piumasaqaatit*

**§ 49.** Iliuuserisap aningaasarsianit akileraarutit angissusilerneqarnissaannut erseqqinnerusumik taaneqartunik sunniuteqarnissaa namminersortup iliuuserisaani piumasaqaataasimappat (akileraarutit eqqarsaatigalugit piumasaqaat), akileraarutit eqqarsaatigalugit piumasaqaat aningaasarsianit akileraarutinik angissusiliinermut aatsaat atuuttussaatinnejassaaq, akileraarutit eqqarsaatigalugit piumasaqaat erseqqissuuppat, allakkatigoortuuppat kingusinnerpaamillu akileraaruseriffiup iliuuserisap imarisaanik allanik nalunaarfingineqarnera ilutigalugu akileraaruseriffimmut nalunaarutigineqarpas.

*Imm. 2. Akileraaruseriffiup akileraarutit eqqarsaatigalugit piumasaqaatip angissusiliinermi atuutsinnejarnissaa itigartissinnaavaa, namminersortup akileraarutit eqqarsaatigalugit piumasaqaatit sunniutissaattut piumasai erseqqinngippata paasiuminaatsuuppataluunniit.*

### *Allanngortitsineq*

**§ 50.** Aningaasarsianit akileraarutinik angissusiliineq namminersortup iliuuserisaanik tunngaveqarpas, iliuuserisap kingusinnerusukkut allanngortinneqarnerata aningaasarsianit akileraarutinik angissusiliinermut (allanngortitsinermut) sunniuteqartinnejarnissaa akileraaruseriffiup akuerisinnaavaa piumasaqaatit makku naammassineqarsimappata:

- 1) Iliuuserisaq akileraarutissanik sipaarnissaq kinguartitsinissarluunniit pinerullugit pisimassanngilaq,
- 2) iliuuserisap akileraarutitigut sunniutissanik annertuunik siunertaqarsimannnginnissaa qularnaatsuussaaq.

- 3) iliuuserisaq oqartussaasunut erseqqissumik saqqummiunneqarsimassaaq,
- 4) iliuuserisamut allannguutip namminersortumut sunniutissai akileraarutitigut sunniuteqartinniakkat nalorninaatsuullutillu paasiuminartuussapput, aammalu
- 5) allanngortitsinissamik akuersinikkut akileraarutitigut sunnerneqartussat tamarmik allanngortitsinissamik qinnuteqaat akuersissutigissavaat.

## **Kapitali 11**

*Akitsuuitit pillugit piffissarititat il.il.*

*Akitsuuitit akiligassat aamma akitsuutinit taartisiat*

*Angissusiliineq nalinginnaasoq*

**§ 51.** Akileraaruseriffik akitsuuitit akilerneqartussanngorneriniit ukiut sisamat qaammatillu pingasut qaangiutereernerinit kingusinnerusukkut akitsuutitut akiligassat angissusilerneqarnissaat allanngortinneqarnissaalluunniit pillugu ilimasaarummik nassiussisinnaanngilaq. Taamatuttaaq aamma akitsuutinut taartisiat allanngortinneqarnissaat pillugu ilimasaarut, taartisianik piumasaqaatip atuutsinneqarfissaata siusinnerpaap kingornatigut ukiut sisamat qaammatillu pingasut, qaangiutereernerinit kingusinnerusukkut nassiunneqarsinnaanngilaq. Akitsuuitit akiligassat aammalu akitsuutinit taartisiat kingusinnerpaamik angissusilerneqassapput oqaaseqatigiit siulliit tulliliuunniit malillugit piffissarititap qaangiunneraniit qaammatit pingasut qaangiunneranni.

*Imm. 2.* Akitsuummik akiliisussaatitaasup akitsuuitit akiligassat allanngortinneqarnissaannik kissaateqartup, paasissutissat piviusut eqqartuussivikkulluunniit uppermarsarneqartut allannguinissamut tunngaviusinnaasut kingusinnerpaamik saqqummiutissavai akitsuuitit akilerneqartussanngorneriniit ukiut sisamat qaammatillu pingasut qaangiunneranni. Taamatuttaaq aamma suliffeqarfiup inuulluunniit akitsuutinit taartisianik kissaateqartup, paasissutissat piviusut eqqartuussivikkulluunniit uppermarsarneqartut akitsuutinit taartisiaqarnissamut tunngaviusinnaasut kingusinnerpaamik saqqummiutissavai akitsuutinit taartisianik piumasaqaatip atuutsinneqarfissaata siusinnerpaap kingornatigut ukiut sisamat qaammatillu pingasut qaangiunneranni.

*Angissusiliineq immikkut ittoq*

**§ 52.** § 51, imm. 1-imí piffissarititaq apeqqutaatinngagu akileraaruseriffik akitsuuitit akiligassanik angissusiliinermik suliaqarsinnaavoq allanngortitsisinnaalluniluunniit, akileraaruseriffik akitsuutinik akiliisussaatitaasup qanoq iliornerinik pisuussuteqarani ilisimanninnginnini pissutigalugu akitsuutitut akiligassanik angissusiliinermik suliaqarsinnaasimanngippat allanngortitsisinnaasimanngippalluunniit. Akileraaruseriffiup akitsuutinik

akiliisussaatitaasup qanoq iliorneri pillugit ilisimannilerneraniit  
naliginnaasumilluunniit sissuernermigut ilisimannilersinnaaffianiit  
kingusinnerpaamik qaammatit arfinillit qaangiunneranni akileraaruseriffik  
akitsuutitut akiligassanik angissusiliinermik suliaqarnissaq  
allanngortitsinissarluunniit pillugu ilimasaarummik § 12, imm. 1-imi taaneqartumik  
nassiussaqassaaq. Akitsuutitut akiligassanik angissusiliinermik suliaqarneq  
allanngortitsinerluunniit kingusinnerpaamik pissaaq ilimasaarutip § 12, imm. 1-imi  
taaneqartup nassiunneraniit qaammatit arfinillit qaangiunneranni.

*Imm. 2. § 51, imm. 2-mi piffissaritaq apeqqutaatinnagu akitsuutinik  
akiliisussaatitaasoq paasissutissanik piviusunik eqqartuussivikkulluunniit  
uppernarsarneqartunik, akitsuutinik akiliisussaatitaasup akitsuutitut akiligassaanik  
allannguinissamut tunngaviusinnaasunik saqqummiussisinnaavoq, akitsuutinik  
akiliisussaatitaasoq pisuussuteqarani ilisimanninnginnini pissutigalu  
paasissutissanik taakkuninnga siusinnerusukkulli saqqummiussisinnaasimangippat,  
tak. Akiligassat ilaasa nutaanngilisarnerat pillugu inatsimmi nr. 274, 22. december  
1908-meersumi § 3. Akitsuutinik akiliisussaatitaasup paasissutissat  
saqqummiutissavai, akitsuutinik akiliisussaatitaasup pissutsinik piviusunik  
eqqartuussivikkulluunniit uppernarsarneqartunik, akitsuutinik akiliisussaatitaasup  
akitsuutitut akiligassaasa allanngortinnejarnissaannut tunngaviusinnaasunik  
ilisimannilerneraniit naliginnaasumilluunniit sissuernermigut  
ilisimannilersinnaaffianiit kingusinnerpaamik qaammatit arfinillit qaangiunneranni.*

## Kapitali 12

### *Isumakkeerineq*

**§ 53.** Akileraarutinut akiligassat, erniat, akiliisitsissutit  
eqqartuussinertaqanngitsumillu pillaammik akiliisitsissutit  
isumakkeerneqarsinnaapput, akiligassalik akiitsuminik akilersuisinnaannginnerminik  
ukiunilu qaninnerni taamaaliorsinnaassannginnerminik uppernarsaappat, aammalu  
ilimagineqarpat isumakkerineq akiligassallip aningaasaqarneranik ataavartumik  
pitsangortitsissasoq. Taamatuttaaq aningaasat inuit, selskabit pisortanut  
akiligassaminnik akiliinnginnerisigut taartaallutik akiliisussaatitaasut akiligassaat  
isumakkeerneqarsinnaapput.

*Imm. 2. Isumakkeerineq nalinginnaasumik pisinnaanngilaq:*

- 1) akiligassallip aningaasaqarnera erseqqissumik paasineqarsimanngippat,
- 2) akiligassalik aningaasanut tunngasuni mianersuaalliorsimappat, matumanit soorlu  
akiitsut annikinngitsut
  - a) piffissami akiligassallip aningaasatigut pisussaaffimminik  
naammassinnissinnaanngiffiani pilersinnejarnissaannut  
naapertuutinngitsumik tigusisimaneratigut pinngorsimappata,
  - b) akiligassallip aningaasatigut pisussaaffimmik, akiligassallip aningaasaqarneranut  
naapertuutinngitsumik tigusisimaneratigut pinngorsimappata,
  - c) nalinginnaq atornissaat siunertalarugu pilersinnejarnissaannut  
d) pisortanut akiitsuuppata alliartuinnavissimasut.
- 3) akiitsut annikinngitsut pinerlunnikkut taarsiisussanngortitaanikkulluunniit  
akiligassanngorsimappata,
- 4) akiligassalik akiitsuminik akilersuisinnaasimagaluarluni akilersuisimanngippat,

- 5) akiligassalik isumakkeerisoqarnissaa siunertaralugu iliuuseqarsimappat, imaluunniit
- 6) akiligassalik isumakkeerisoqarnissaanik suliassap aallartinneqarnerata kingorna pisortanut nutaanik akiitsqalerpat.

*Imm. 3. Imm. 2, malillugu aalajangiinermi isiginiarneqassapput akiitsut pisoqaassusiat kiisalu akiligassallip akiitsui pisortanuinnaq pisortanuinnangajalluunniit akiligassaanersut.*

*Imm. 4. Imm. 2, apeqqutaatinnagu isumakkeerinissaq itigartitsissutigineqarsinnaavoq pisut allat tamakkiisumik ilaannakuusumilluunniit isumakkeerinissamut akerliulluinnartut atuuppata.*

*Imm. 5. Akiligassallit imm. 1 malillugu isumakkeeriffigineqarsinnaasut taamaallaat tassaapput inuit, taamaattorli tak. imm. 6.*

*Imm. 6. Aammattaaq pissutsit immikkut illuinnartut isumakkeerinissamut tunngavissaqartitsippata taamaalliornissaq inunnut, selskabinut, peqatigiiffinnut, suliffeqarfinnut imminut pigisunut, aningaasaateqarfinnut assigisaannulluunniit nalunaarutigineqarsinnaavoq.*

**§ 54.** Isumakkeerineq akiligassallip akiitsuinik akiligassajunnaarsitsinissamik appartitsinissamilluunniit siunertaqarsinnaavoq. Appaanermut atatillugu aalajangersaasoqarsinnaavoq akiitsut ilaat isumakkeerneqanngitsut akilerneqarnissaat kinguartinneqassanersoq imaluunniit naafferartumik akilersorneqassanersut. Akiitsut piffissami kinguartitsiviusumi imaluunniit naafferartumillu akilersuiffiusumi ernialersorneqassanngillat.

**§ 55.** Isumakkeerineq atortussajunnaarsinneqarsinnaavoq akiligassalik:

- 1) isumakkeerinissamik suliamut atatillugu ilumuunngitsuliornermut pisuuusimappat, imaluunniit
- 2) akiitsut ilaasa isumakkeerneqanngitsut akilersornissaannut atatillugu pisussaaffimminik annertuumik sumiginnaappat.

## **Kapitali 13**

### *Digitaliusumik attaveqaqatigiinnej*

**§ 56.** Akileraartarnermut tunngasuni pisortat ingerlatsiviisa saaffiginninnerini pisortallu ingerlatsiviinut saaffiginninnerni digitaliusumik attaveqaqatigiinnejissamut, matumaniaamma ileqqussat qanoq ittuunissaannik inatsisini piumasaqaatit digitaliusumik attaveqaqatigiinnejissamut akornutaasut avaqqunnissaannut maleruagassat Naalakkersuisut aalajangersarsinnaavaat.

*Imm. 2. Akileraartarnermut tunngasuni uppermarsaatnik atsiornertaqanngitsunik imaluunniit atsiornernik maskiinakkut nuussivigineqarsimasunik sanasoqartarnissaanut maleruagassat Naalakkersuisut aalajangersarsinnaavaat, taamaalillutik uppermarsaatit taamaattut inatsisit eqqarsaatigalugit inuup nammineerluni atsioreratut sanilliunneqarsinnaasunngorlugit.*

## **Immikkoortoq V**

### **Misissuineq**

#### **Kapitali 14**

##### *Paasissutissanik il.il. takunnissinnaaneq*

**§ 57.** Akileraaruseriffiup uppermarsaatissat qinnutigisinnaavai kiisalu akileraartussaatitaasoq isumaqatigiinniarnissamut aggersarsinnaallugu.

**§ 58.** Inuussutissarsiummik ingerlatsisoq naatsorsuusiorloq kinaluunniit, inuussutissarsiummik ingerlatsisoq inatsisit naapertorlugit naatsorsuusiorluttaaguni naatsorsuusiorluttaanngikkuniluunniit akileraaruseriffiup qinnuiginninneratigut pisussaavoq ukiunut siusinnerusunut ukiumullu naatsorsuusiorfiusumut pineqartumut naatsorsuutiminik bilagitaannillu aammal pappialanik allanik akileraarusiinermut, matumani aamma nunamut maanga akileraartussaatitaaneq pillugu aalajangiinissamut, aammal akitsuutinut akiligassanik angissusiliinissamut pingaaruteqarsinnaasunik nassiussissalluni. Nassiussisussaatitaanermi aamma ilaapput akileraartussaatitaasup akitsuutinilluunniit akiliisussaatitaasup Danmarkimi, Savalimmiuni nunaniluunniit allani suliffeqarfutaanut naatsorsuutit ilaallu ilanngullugit.

*Imm. 2.* Imm. 1-imi taaneqartutut pisussaavoq kinaluunniit inatsisit malillugit inuttut isigineqarsinnaasoq kinaluunniillu akitsuutit akilernissaannut akisussaasoq, inuussutissarsiummik ingerlataqartuugunik ingerlataqartuunngikkunilluunniit.

*Imm. 3.* Naatsorsuutit ilaallu ilanngullugit inummi pingajuusumiippata taanna, taakkuninnga tunniussinngikkallarsinnaatitaagaluaruniluunniit, qinnuigineqarnermigut paasissutissanik akileraaruseriffimmut, taamaaliortoqarpat naatsorsuutit atorneqareerneranni inummut pingajuusumut pineqartumut utertitsisussamut tunniussissaq.

*Imm. 4.* Akileraaruseriffik, tamanna pisariaqarsoriguniuk, qaqugukkulluunniit kinaassutsimut pissusissamisoortumik uppermarsaateqarluni eqqartuussivimmit akuerineqaqqaanngikkaluarluni inuussutissarsiummik ingerlatsisut imm. 1-imi 2-milu, taaneqartut sumiiffiinut kiisalu suliffinnut inuussutissarsiummik ingerlataqartup iniutaasa avataaniittunut, matumani aamma inuussutissarsiummumut atatillugu assartuutaanut isersinnaatitaavoq, taakkulu naatsorsuutaannik bilagiinillu allagaatinillu allanik, akileraarusiinissamut akitsuutilluunnit angissusilernissaannut pingaaruteqarsinnaasunik misissuisinnaalluni aammal karsimiittuutaannik assigisaannillu naatsorsuisinnaalluni. Maleruagassat taakkuttaaq malillugit akileraaruseriffik inuussutissarsiummik ingerlataqartumut isersinnaatitaavoq toqqorsivimmi uninngasuutinik, uumasuutinik, pequtinik, maskiinanik ingerlatsinermullu atortunik allanik naatsorsuiartorluni naliliartorlunilu. Piginnittup taassumalu sulisuisa akileraaruseriffik misissuinerani pisariaqartitsinera malillugu ilitsensorlugulu ikiussavaat. Misissuinerli oqaaseqatigiinni siullerni taaneqartoq inini namminerisamik najugaqarfinni sunngiffimmiluunniit najugaqarfinni ingerlanneqarsinnaanngilaq.

*Imm. 5.* Naatsorsuutit pillugit paasissutissat ilaallu ilanngullugit taaneqartut elektroniskiusumik nalunaarsorneqarsimappata pisortat paasissutissanik taakkuninnga takunnissinnaatitaanerat aamma elektroniskiusumik

takunnissinnaatitaanermik imaqarpoq.

*Imm. 6. Imm. 1 imaluunniit 2, tak. imm. 5, malillugu qinnuiginninneq malikkumaneqanngippat akileraarutinik angissusiliineq missingersuinikkut pisinnaavoq.*

*Imm. 7. Akileraaruseriffiup misissuinertermik imm. 4-mi, taaneqartumik naammassinninnissaani politiit ikiuuttussaapput maleruagassat Inatsisinik atortitsinermi ministereqarfiup Naalakkersuisullu isumaqatigiissutigisimasaat malillugit.*

**§ 59.** Suliffeqarfiateqarnermigut akileraaruseriffimmut nalunaaruteqartartussap paasissutissanut nalunaarutigineqartussanut tunngavissat, naatsorsuuserinermut inatsimmi naatsorsuutinut tunngasunik ilaallu ilanggullugit toqqortaqarnissaq pillugu maleruagassat malillugit toqqortarissavai. Nalunaaruteqartussaatitaasoq aamma naatsorsuusiortussaatitaappat, aammalu paasissutissat nalunaarutigineqartussat naatsorsuusiortussaatitaasup naatsorsuutaanut ilaappata, naatsorsuutit ima aaqqissugaassapput paasissutissat nassiuinneqarsimasut naatsorsuutinut naligiissinneqarsinnaassallutik.

*Imm. 2. Nalunaaruteqartussaatitaasup akileraaruseriffimmit qinnuigineqarnermigut atortut paasissutissanut nalunaarutigineqartussanut tunngaviusut nassiuutissavai.*

*Imm. 3. Akileraaruseriffik, tamanna pisariaqarsoriguniuk, qaqugukkulluunniit kinaassutsimut pissusissamisoortumik upernarsaateqarluni eqqartuussivimmit akuerineqaqqaanngikkaluarluni nalunaaruteqartussaatitaasut sumiiffiinut isersinnaatitaavoq, atortullu tassani misissorsinnaallugit. Piginnittup taassumalu sulisuisa akileraaruseriffik misissuinerani pisariaqartitsinera malillugu ilitsorsorlugulu ikiussavaat.*

*Imm. 4. Paasissutissat imm. 1-imi taaneqartut elektroniskiusumik nalunaarsugaappata, akileraaruseriffiup paasissutissat tassani nalunaarsorneqarsimasut elektroniskiusumik takunissaat ammaassiffigineqassaaq. Akileraaruseriffiup misissuinermini qulakkeersinnaavaa paasissutissat atortuniittut pissarsiarinissaat.*

*Imm. 5. Akileraaruseriffiup misissuinertermik imm. 3-mi, taaneqartumik naammassinninnissaani politiit ikiuuttussaapput maleruagassat Inatsisinik atortitsinermi ministereqarfiup Naalakkersuisullu isumaqatigiissutigisimasaat malillugit.*

**§ 60.** Inuit selskabip aningaasaataasa minnerpaamik 25 procentiinik pigisallit imaluunniit selskabimi taasisinnaassutsip tamarmiusup 50 procentia sinnerlugu taasisinnaassusillit aningaasanut tunngasutigut isumaqatigiissutit pingaarutillit, selskabip pineqartup sunniuteqarfigisaata pineqartullu nammineq imaluunniit katissimallugu apparisaata, pineqartup piffissami isumaqatigiissutit isumaqatigiissutigineqarfianni inooqatigisaata akornanni isumaqatigiissutaasimasut allanngortinneqarsimasulluunniit pillugit paasissutissiussaanera akileraaruseriffiup aalajangersinnaavaa. Inunnut, aningaasarsianit akileraarutit pillugit inatsimmi § 2 naapertorlugu tamakkiisumik akileraartussaatitaanngitsunut tunngatillugu paasissutissat taamaattut tunnunneqassapput akileraartussaatitaasup selskabi nunami maani angerlarsimaffeqartoq sunniuteqarfigippagu. Tamanna aamma atuuppoq inunnut tamakkiisumik akileraartussaatitaasunut, marloriaammik akileraannginnissaq pillugu isumaqatigiissut naapertorlugu Danmarkimi, nunani

allani Savalimmiuniluunniit angerlarsimaffeqartutut isigineqartussanut (marlunniq angerlarsimaffeqarneq).

*Imm. 2.* Paasissutissat tunniunneqarnissaannut akileraaruseriffik piffissaliisinnavaoq. Illuatungerisamit qinnuvigineqarneq tunngavigalugu akileraaruseriffiup piffissarititap sivitsorneqarnissaanik aalajangiisinnavaoq. Paasissutissat piffissami akileraaruseriffiup aalajangersagaani tiguneqarsimannngippata angissusiliineq missingersuinikkut pisinnaavoq.

**§ 61.** Akileraaruseriffiup Naalakkersuisut erseqqinnerusumik aalajangersagaat malillugit paasissutissat inuit inatsisilluunniit malillugit inuttut isigineqarsinnaasut aningaaasarsiornerannut inuussutissarsiornerannulluunniit tunngasut, akileraarutit naatsorsornissaannut imaluunniit Kalaallit Nunaanni Namminersornerullutik Oqartussanut kommuninulluunniit akiligassat akilersinniarneqarnissaannut annertuumik pingaaruteqarsinnaasorineqartut, pisortatut oqartussaasunit allanit elektroniskiusumik piniarsinnaavai nalunaarsukkat ataatsimoortinnissaat siunertaralugu. Oqartussaasut paasissutissanut nalunaarsorneqartunut akisussaasut akileraaruseriffiup paasissutissanik takunnissinnaaneranut atatillugu aningaaasartuutit akilissavaat.

**§ 62.** Akileraarutit pisortanullu akiliutaasartut allat pillugit inatsisinik unioqqutitsisoqarsinnaanera pinngitsoortinniarlugu akileraaruseriffik inuit inatsisillu malillugit inuttut isigineqarsinnaasut pisortanut akileraarutitigut annertuunik annaasaqaataasimasut annaasaqartitseriaraluarsimasulluunniit nalunaarsorneqarfissaannik pilersitsisinnaavoq.

*Imm. 2.* Nalunaarsuisoqassanngilaq nalunaarsukkanilluunniit toqqortarinniinnartoqassanngilaq nalunaarsorneqarnissamut pissutaasup paasineqarneraniit ukiut tallimat qaangiutereererneranni.

**§ 63.** Kinaluunniit inuussutissarsiummik namminersorluni ingerlataqartoq, matumani aamma isumaqtigisaasartut akitsorterinikkullu tuniniaasarfinni pisortat peqquneqarunik pisussaapput inuussutissarsiutinik ingerlatalinnik allanik aqqisigut taasanik niueqatiginnissimanermikkut taakkuluunniit sinnerlugit niueqatiginnissimanermikkut isertitarisimasatik, imaluunniit inuussutissarsiutinik ingerlatalinnik allanik aqqisigut taasanik sullisisimanitik taakkuluunniit sinnerlugit sullisisimanitik pillugit paasissutissanik akileraaruseriffimmut tunniussaqassallutik.

*Imm. 2.* Nioqqutissiornermik, pisitornermik tuniniaanermilluunniit siunertalimmik peqatigiffinnut inuussutissarsioreqarfinnullu taakkua assigisaannut tunngatillugu paasissutissiisutigineqartussanut, tak. imm. 1, aamma ilaapput kattuffiup ingerlatat pineqartut eqqarsaatigalugit ilaasortaminut isumannaagassai. Paasissutissat imatut piumanneqarsinnaapput:

- 1) niueqatigiinnerup sulialluunniit suunera,
- 2) nioqqutissat tunineqartut amerlassusii,
- 3) akissarsiat annertussusiat,
- 4) tunisinerup sulialluunniit suliarineqarsimanaerata qanga pisimanera, kiisalu
- 5) akissarsiat qanga qanorlu ilillutik tunniunneqarsimanaerat.

*Imm. 3.* Taamaaliornissamut tunngavissaqarsorinarpas Naalakkersuisut pisuni ataasiakkaani aalajangersinnaavaat, paasissutissat taamaattut aammattaaq

piumasarineqarsinnaassasut inuussutissarsiummik ingerlataqartut aqqisigut taaneqanngitsut eqqarsaatigalugit isumannaagassanut tunngatillugu.

**§ 64.** Pisortatut oqartussaasut aamma selskabit, piginneqatigiilluni umiarsuaatileqatigiiffit, peqatigiiffit, iluaqtissiuiffit, aningaasaatit aalajangersimasunut atugassanngortitat suliffeqarfifullu allat qinnuigineqarnermikkut akileraaruseriffik paasissutissanik, akileraaruseriffiup akileraarusiinissamut akitsuutinillu angissusiliinissamut pingaaruteqarsorisaanik tamanik tunissavaat. Taamaattorli inuit inatsisillu malillugit inuttut isigineqarsinnaasut aqqisigut taaneqanngitsut pillugit paasissutissat taamaallaat Naalakkersuisut aalajangersaanerat malillugu tunniunneqassapput.

**§ 65.** Aningaaseriviit, sparekassit, andelskassit, aningaasanik nioqqutillit, vekselnik nioqqutillit, eqqartuussissuserisut allallu aningaasanik nakkutigisassaqartut tigusaqartartulluunniit inuussutissarsiutigalugu aningaasanik taarsigassarsisitsisartut akileraaruseriffiup piumasaqarneratigut pisussaapput paasissutissiissutigissallugit inuit inatsisillu malillugit inuttut isigineqarsinnaasut aqqisigut taaneqartut:

- 1) aningaasanut katersukkanut ilanngussaat, taarsigassarsiaat, peqqumaataat imaluunniit aningaasanik toqqorsivii,
- 2) taarsigassarsiaasa qanoq atsiginerat, toqqortaasa qanoq atsiginerat imaluunniit aningaasat nakkutigisarisasa taakkualu iluanaarutigitittagaasa qanoq atsiginerat,
- 3) aningaasanut katersukkanut taarsigassarsianulluunniit kontuisa allanngorarneri, matumani aamma paasissutissat checkinut tiguneqarsimasunut ilineqarsimasunulluunniit tunngasut,
- 4) vekselit aningaaserivinnut tunisimasaat (diskonterede) aammalu
- 5) taarsigassarsianut akiitsortitsinernullu qularnaveeqqusiiineri.

*Imm. 2.* Inuit inatsisillu malillugit inuttut isigineqarsinnaasut aqqisigut taaneqanngitsut eqqarsaatigalugit Naalakkersuisut aalajangiinerat malillugu piumasarineqarsinnaapput paasissutissat aningaasanut uninngasuutinut imaluunniit nakkutigisanut taakkualu iluanaarutigititaannut tunngasut, piginnittup immaqalu tamatuma saniatigut qanoq iliuuseqarsinnaatitaasup inuttut normua, aqqa najugaalu taallugit.

*Imm. 3.* Akileraaruseriffik Naalakkersuisut aalajangersagaat malillugu, inuit inatsisillu malillugit inuttut isigineqarsinnaasut aqqisigut taasat taaneqanngitsullu akileraarutinut tunngatillugu misileraanikkut misissuiffigineqarnissaat siunertaralugu aningaaserivinnut, sparekassinut, andelskassinut, aningaasanik nioqqutilinnut, vekselnik nioqqutilinnut eqqartuussissuserisunullu isersimmaatitaavoq taakkulu suleqatigalugit tassani naatsorsuutinik, bilaginik allagaatinillu misissuisinnaalluni. Akileraaruseriffiup misissuinermini qulakkeersinnaavaa paasissutissat imm. 1-im taaneqartutut ittut pissarsiarinissaat.

**§ 66.** Aningaaserivinni sparekarsinilu kontunut atatillugu aammalu kontunit aningaasanik akiliutigineqartunit pissarsisut, § 65, imm. 1 aamma 2 malillugu akileraaruseriffiup paasissutissiinissamik piumasaqarfigisinnaasai eqqarsaatigalugit, akileraaruseriffik aalajangiisinnavaoq piffissamit aalajangerneqartumiit qaammatini arfinilinni kontut atorneqassanngitsut, piginnittup aqqa najugaalu akiliiffigineqartup erseqqisumik ilisimannngippagu, kontop matuneqarneraniit siullermik atuisinnaasup kinaassusianik akileraaruseriffiup aalajangersaganik tunniussisoqarsimatinnagu

piginnituuneq nalunaarutigineqarsimangippat.

*Imm. 2.* Akileraaruseriffik aalajangiisinjaavoq kontot taamaattut akileraaruseriffiup piginnittuinik ilisimasaqarfinginngisai minnerpaamik ukioq ataaseq matoqqatinneqassasut. Kontot matoqqatinneqarnissaanut piffissarititap aalajangersakkap qaangiunnerani nalunaarutigineqarsimangitsut piginnittumillu uppernarsaaffigineqanngitsut taassuma kingorna akileraaruseriffimmut nalunaarutigineqassapput. Kontot taamaattut qaammatinik arfinilinnik periarfissiilluni tamanut nalunaaruteqareernermi aammalu tunngavissaqartumik maalaaruteqartoqanngippat nunap karsianut pisassanngortinneqassaput.

*Imm. 3.* Kisiannili immikkut pisoqartillugu taamatut arsaarinninnginnissamut akileraaruseriffik immikkut akuersissuteqarsinjaavoq imaluunniit aningaasat arsaarinnissutaasimasut taarserneqarnissaat akuersissutigisinjaallugu.

**§ 67.** Inatsimmi uani akileraarutissanik annertussusiliinissamut atugassanik akileraaruseriffik paasissutissanik piumasaqarsinjaatillugu, Skatterådi naammagittaalliutit suliainerannut atatillugu aamma taamatut pisinnaatitaaffeqarpoq.

### *Missingersuinikkut angissusiliineq*

**§ 68.** Inuussutissarsiummik ingerlataqartup naatsorsuusiortartup akileraarutinut akiligassaasa annertussusiat inuussutissarsiummik ingerlataqartup naatsorsuutai tunngavigalugit naatsorsorneqarsinjaanngippat, inuussutissarsiummik ingerlataqartup akileraarutinut akiligassai akileraaruseriffiup missingersuinikkut angissusilersinnaavai. Aamma akileraarutinut akiligassat annertussusiat akileraaruseriffiup missingersuinikkut angissusilersinnaavaa inuk inatsisilluunniit malillugit inuttut isigineqarsinjaasoq nammineerluni nalunaarsuummik nalunaarummilluunniit nassiussinngippat imaluunniit nammineerluni nalunaarsuut nalunaarulluunniit uppernarsarnejarsinjaanngippat pissusissamisoortumilluunniit takussutissaqartinneqanngippat.

### *Paasissutissanik ingerlatitseqqiineq*

**§ 69.** Nuna tamakkerlugu kommunalbestyrelsit paasissutissanik akileraaruseriffiup nalunaarsugaanik elektroniskiusumik takunnissinnaanissaat pillugu maleruagassat Naalakkersuisut aalajangersarsinjaavaat, paasissutissat kommunalbestyrelsit maleruagassat sukkulluunniit atuuttut naapertorlugit suliassanik isumaginninnissaannut pisariaqartillugit. Pisortat allaffeqarfiini sulianik ingerlatinsermut Inatsisartut inatsisaanni §§-ini 29-31-imut maleruaqqusat naapertorlugit paasissutissanik aallersinnaalernermut periarfissiineq tassanilu piumasaqaatit malillugit taamaallaat pisinnaallunilu pisassaaq.

*Imm. 2.* Akileraaruseriffiup paasissutissanik ingerlatitseqqiinissaq itigartitsissutigisinjaavaa imaluunniit paasissutissanik pissarsisinnaareerneq unitsissinnaallugu, paasineqarpat malittarisassat qaqugukkulluunniit atuuttut

naapertorlugit kommunalbestyrelsip sulissanik isumaginninnissaannut siunertat saniatigut paasissutissat siunertanut allanut atornerlunneqartut.

## **Immikkoortoq VI**

### **Naammagittaalliorneq aamma eqqartuussivimmut suliassanngortitsineq**

#### **Kapitali 15**

##### *Skatterådimut naammagittaalliorneq*

**§ 70.** Kinaluunniit suliassamut sutigulluunniit attuumassuteqartoq, toqqaannartumik aammalu naammagittaalliutaasumut inuttut namminerisamik inatsisitigut aalajangiinermi soqutigisaqartoq, Skatterådimut naammagittaalliuuteqarsinnaavoq.

**§ 71.** Skatterådimut naammagittaalliuut allakkatigoortoq tunngavilersugaasorlu nassiunneqassaaq. Naammagittaalliuut Skatterådimut tiguneqarsimassaaq aalajangiinerup naammagittaalliuutigineqartup tiguneraniit kingusinnerpaamik qaammatit pingasut qaangiunneranni. Naammagittaalliuut piffissarititap qaangiutereerneratigut nassiunneqartoq itigartinneqassaaq. Pissutsilli immikkut ittut atuutsillugit piffissarititamik qaangiisimaneq Skatterådip soqutiginnngissinnaavaa.  
*Imm. 2.* Skatterådip aalajangiitinnani akileraaruseriffik naammagittaalliuut pillugu oqaaseqaateqartissavaa. Oqaaseqaat peqquneqarluni ullormi qinnuigineqarnermit tigusiffusumit ulla 14-it qaangiutsinnagit tunniunneqassaaq. Taamaattorli Skatterådip piffissarititaq sivitsorsinnaavaa akileraaruseriffiup tamanna qinnutigippagu, aammalu pissutsit aalajangiinermut naammagittaalliuutigineqartumut pissutaasut taamaaliornissamut pissutissaqartitsippata.

*Imm. 3.* § 11, imm. 1-imiit 3-mut aalajangersakkat taamatulli atuupput Skatterådip naammagittaalliummik suliaqarnerani.

*Imm. 4.* Suliap saqqummiunneqarneranut atatillugu tusarniaanermi ilisimatitsissutigineqassaaq suliassamut attuumassuteqartut aammattaaq Skatterådimut allaganngorlugu oqaasiinnakkulluunniit oqaaseqarsinnaatitaasut. Skatterådi oqaaseqaatip nassiunneqarnissaanut piffissarititamik aalajangiisinnaavoq.  
*Imm. 5.* Naammagittaalliuutip oqaasertalersugaanera apeqqutaatinnagu Skatterådi aningaasarsianik akileraaruteqaataasussanik assigisaannullu allannguutinik allanik aalajangiisinnaavoq.

**§ 72.** Akileraaruseriffik naammagittaalliuut tunngavigalugu pissutissaqarsorinnikkuni, tamannalu naammagittaalliertumit isumaqataaffigineqarpat aalajangiinermik suliarinneqqissinnaavoq.

**§ 73.** Skatterådip suliassaq Skatterådimut aalajangiiffigineqareerso itigartinneqareersorluunniit naammagittaalliertup akileraaruseriffiulluunniit qinnuteqarneratigut suliareqqissinnaavaa, suliap suliarineqarnerani paasissutissanik saqqummiunneqareersimanngitsunik Skatterådimut saqqummiussisoqarpat, aammalu isumaqartoqarpat paasissutissat nutaat siusinnerusukkut

saqqummiunneqarsimasuugunik Skatterådip aalajangiinerata allaanerungaatsiartumik inerneqarneranik kinguneqarsimassagaluartut.

*Imm. 2.* Suliareqqiinissamik qinnuteqaat Skatterådip imm. 1-imi, piumasaqaatit naammassineqarsimanngikkaluarpatluunniit akuerisinnaavaa, Skatterådi isumaqarpat pissutsit immikkut illuinnartut tamanna pissutissaqartikkaat.

*Imm. 3.* Imm. 1 aamma 2, naapertorlugit suliareqqisoqarnissaanik qinnuteqaatit allakkatigoortut tunngavilersugaasullu Skatterådimut nassiunneqassapput.

Qinnuteqaat piffissarititaasut § 47, imm. 1-imi 2-milu aamma § 51, imm. 1-imi 2-milu taaneqartut qaangiutinnginneranni tiguneqarsimassapput.

*Imm. 4.* Akileraaruseriffiup suliareqqiinissamik qinnuteqaataa Skatterådip, pissutsit immikkut illuinnartut tamanna pissutissaqartippassuk akuerisinnaavaa, piffissarititaasut imm. 3-miittut qaangerneqarsimagaluarpatluunniit.

## **Kapitali 16**

*Eqqartuussivimmuit suliassanngortitsineq*

**§ 74.** Inatsisini allani allatut aalajangersagaqanngippat akileraaruseriffiup § 2-mi taaneqartunut tunngasumik aalajangigaa aatsaat eqqartuussivinnut suliassanngortinneqarsinnaavoq aalajangiineq Skatterådimit suliarineqareerpat itigartitsissutigineqareerpalluunniit, taamaattorli tak. imm. 3. Suliassiissutigineqartut tassaapput Naalakkersuisut.

*Imm. 2.* Skatterådip imm. 1, malillugu aalajangigai akileraartussaatitaasumit Kalaallit Nunaata landsretianut suliarinntussamut siulliusumut suliassiissutigineqarsinnaapput, aalajangiinermitiit qaammatit arfinillit qaangiutsinnagit. Immikkut pissutissaqartillugu Kalaallit nunaata landsretiata suliassiineq pisinnaatisinnaavaa taamaaliornissamut piffissarititaasoq qaangerneqarsimagaluarpalluunniit.

*Imm. 3.* Suliassap Skatterådimut suliassiissutigineqarneraniiit qaammatit aqqaneq-marluk qaangiutereersimappata suliassaq, Skatterådi aalajangiisimanngikkaluarpalluunniit Kalaallit Nunaata landsretianut suliarinntussamut siulliusumut suliassiissutigineqarsinnaavoq.

*Imm. 4.* Apeqqummik nutaamik eqqartuussinerup ingerlanerani ilangussisoqarsinnaanera eqqartuussiviup akuersissutigisinnaavaa, tamanna apeqqummut eqqartuussinermi tunngaviusumut erseqqissumik attuumassuteqarpat, aammalu apeqqutip siusinnerusukkut ilangunneqarsimannginnera pissutissaqavissorineqarpat, imaluunniit akuerineqarnissamik itigartitsinissaq suliamut attuumassuteqartup eqqartuussivikkut naapertuitinngitsumik ajorsartitaanissaanik kinguneqassangatinneqarpat.

**§ 75.** Skatterådip aalajangigai, Skatterådip aalajangiineraniiit kingusinnerpaamik qaammatit arfinillit qaangiunneranni Naalakkersuisunit eqqartuussivinnut naammagittaalliuutigineqarsinnaapput.

*Imm. 2.* Imm. 1-imi aalajangersagaq, aningaasarsianit akileraarutit pillugit Inatsisartut inatsisaanni § 30, imm. 4, oqaaseqatigiit aappaanni, naapertorlugu Skatterådip aalajangigaanut atuutinngilaq.

## **Kapitali 17**

### *Naammagittaalliornermut atatillugu kinguartitsineq*

**§ 76.** Angissusiliineq pillugu naammagittaalliorneq naammagittaallior tup akileraarutit akiligassangorfiini akiliinnginnissaanut tunngavigineqarsinnaanngilaq.  
*Imm. 2.* Pissutsilli immikkut ittut pisariaqartippassuk akileraarutit ilaannik naammagittaalliummut tunngasunik akiliinissap tamakkiisumik ilaannakortumilluunniit kinguartinneqarnissaanik qinnuteqartoqarneratigut Skatterådi akuersissuteqarsinnaavoq. Skatterådip aalajangiinera allaffissornermi pisortanut allanut naammagittaalliuutigineqarsinnaanngilaq.  
*Imm. 3.* Akileraarutit akilerneqarnissaannik tamakkiisumik ilaannakortumilluunniit kinguartitsinissamik qinnuteqaammik nassiussisoqarneratigut akileraaruseriffiup aalajangersinnaavaa, akileraarutit ilaat kinguartitsinissamik qinnuteqaammut tunngasut akiligassiissutigineqarnissaat unitsikkallarneqassasoq Skatterådip qinnuteqaat pillugu aalajangiinissaata tungaanut.  
*Imm. 4.* Kinguartitsineq ukiunit sisamanit sivisunerusinnaanngilaq. Skatterådip kinguartitsinissami piumasarisinnaavaa aningaasat akiligassatut kinguartinneqartut isumannaatsumik qularnaveeqquserneqassasut.  
*Imm. 5.* Kinguartitsinissamik nalunaaruteqartoqarsimagaluarpalluunniit akiligassat kinguartinneqartutut nalunaarutigineqarsimasut tamakkiisumik ilaannakortumilluunniit matussuserneqarnissaat siunertaralugu, naammagittaallior tup pisortanit pisassariunnagai ilanngaaffigineqarsinnaapput tamakkerlugilluunniit tiguneqarsinnaapput.

## **Immikkoortoq VII**

### *Pineqaatissiinerit*

## **Kapitali 18**

### *Pineqaatissiinerit*

**§ 77.** Kinaluunniit piaaraluni mianersuaalliorujussuarluniluunniit akileraarutit annertussusilernissaannut atugassanik equnngitsumik paasinerluutaasinnaasumilluunniit paasissutissiisoq Kalaallit Nunaanni pinerluttulerinermut inatsit naapertorlugu pineqaatissinneqarsinnaavoq.

**§ 78.** Taamatut aamma § 77-imi taaneqartutut pineqatissinneqassaaq kinaluunniit § 13, imm 6 imaluunniit § 14 malillugu qinnuteqaatinut aalajangersakkat taakkunani taaneqartunut malillugit aalajangiinissamut atugassanik piaaraluni imaluunniit mianersuaalliorujussuarluni equnngitsunik paasinerluutaasinnaasunilluunniit paasissutissiisoq.

**§ 79.** Kinaluunniit, Iliuuseq § 80-mi pineqartunut ilaanngikkaluartoq, akileraaruserneqarnissani pinngitsoorniarlugu piaaraluni nammineerluni

nalunaaruummik nassiussinngitsoq pillamik Kalaallit Nunaanni  
pinerluttulerinermut inatsit naapertorlugu pineqaatissinneqarsinnaavoq.

**§ 80.** Kinaluunniit missiliuussinikkut annikippallaamik aningaasarsianik  
akileraaruteqaataasussanik aalajangiiffigineqarsimasoq aammalu  
annertussusiliinermik nalunaarfingineqarsimasoq nalunaarfingineqarnermit sap. ak.  
sisamat qaangiuutsinnagit pisortanut akileraarusiisartunut tamanna pillugu  
nalunaaruteqarsimanngitsoq akiliisitaanermik pineqaatissinneqarsinnaavoq.  
*Imm. 2.* Pisortanut akileraaruteqanngitsoorsumalluni piaaraluni imm. 1-imi  
taaneqartutut iliortoqarsimappat sukannererusumik pillamik Kalaallit Nunaanni  
pinerluttulerinermut inatsit naapertorlugu pineqaatissiineqarsinnaavoq.  
*Imm. 3.* Imm. 1, malillugu unioqqutitsisoq aktiat anpartilluunniit tunngavigalugit  
ingerlatseqatigiiffiit, piginneqatigiiffik, peqatigiiffik, suliffeqarfik imminut pigisoq,  
ningaasaateqarfik taakkuluunniit assigisaat unioqqutitsisuuppat pineqartoq  
piginneqatigiiffiup ingerlatseqatigiiffiusup tamatumunnga tunngassuteqartoq  
taamaattusutut akiliisitaanermik pineqaatissinneqarsinnaavoq.

**§ 81.** Kinaluunniit Naalakkersuisut § 18, imm. 1 naapertorlugu  
naatsorsuusiorussanermik nalunaarutaannik naammassinninngitsoq imaluunniit  
taamaattunik naatsorsuusiornermi peqqissaanngippallaartoq imaluunniit  
naatsorsuutinik taakkuninnga bilaginillu § 18, imm. 4-mi peqqussutigineqartutut  
paaqqinninnermi peqqissaanngippallaartoq pillamik Kalaallit Nunaanni  
pinerluttulerinermut inatsit naapertorlugu pineqaatissinneqarsinnaavoq.

**§ 82.** Akileraaruseriffik isumaqarpat unioqqutitsineq akiliisitaanermi  
sakkortunerusumik pineqaatissiinertariaqanngitsoq taava Naalakkersuisut  
taakkuluunniit taamaaliornissamut piginnaatitaata pineqartoq nalunaarfingissavaa  
suliassaq eqqartuussivikkoortitsinertaqanngitsumik naammassineqarsinnaasoq  
pineqartup ukioqqutitsisimanini nassuierutigippagu aammalu piffissaatitap  
erseqqinnerusumik aalajangikkap qinnuteqarnikkut sivitsorneqarsinnaasup  
qaangiuutinnginnerani akiliutissamik nalunaarummi taaneqartumi akiliuumappat.  
*Imm. 2.* Paasisitsissut imm. 1-imi taaneqartoq pillugu eqqartuussisarnermut inatsimi  
kap. 5-imi unnerluuussutip allagartaata imarisai pillugit aalajangersakkat taamaallutik  
atutissapput.  
*Imm. 3.* Piffissaatillugu akiliisitaassut akilerneqarluniluunniit  
isumaqatigiissuteqaatigineqarneratigut tiguniarneqarsimappat qanoq  
iliuuseqartoqaqqissanngilaq.

**§ 83.** Maleruagassiani inatsit manna naapertorlu atulersinneqarsimasuni  
maleruagassiani aalajangersakkanik unioqqutitsinerit akiliisitaanermi  
pineqaaatissinneqarnissamik aalajangersaasoqarsinnaavoq.  
*Imm. 2.* Maleruagassiani inatsit manna tunngavigalugu atulersinneqartuni aktiat  
anpartillunniit tunngavigalugit ingerlatseqatigiiffiup, piginneqatigiiffiup,  
peqatigiiffiup, suliffeqarfip imminut pigisup, ningaasaateqarfip taakkuluunniit  
assigisaasa unioqqutitsinerat pillugu akiliisitaanermi pineqaatissiinissamut  
malittarisassat aalajangersarneqarsinnaapput. Namminersornerullutik Oqartussanit,  
kommuninit, kommunimiluunniit suleqatigiiffik unioqqutitsisuuppat

Namminersornerullutik Oqartussat, Kommunit, kommunimiluunniit suleqatigiiffik akiliisitaanermik pineqaatisinnejarsinnaavoq.

**§ 84.** Politiit akileraartarnermi pisortanut ikiuuttussaapput maleruagassiat Naalakkersuisut inatsisinilu atortitsinermi ministereqarfip isumaqatigiinniarnerisigut aalajangersarneqarsimasut malillugit.

**§ 85.** §§ 77-81 aamma § 83 najoqqutaralugit akiliutissanngortitat landskarsip pisassarai.

## **Immikkoortoq VIII** **Atueqatigiinnissamik, atuulersitsinissamik ikaarsaariarnermillu** **aalajangersakkat**

### **Kapitali 19** *Atueqatigiinnissamik aalajangersakkat*

**§ 86.** Akileraaruseriffik ulloq 1. januar 2007 aallarnerfigalugu kommunit akileraaruserinermut atortuinik atuisinnaatitaavoq.

*Imm. 2.* Akileraaruseriffiup kommunit naatsorsuuserinerat akiliisitsiniarnerallu pillugit paasissutissanik, akileraaruseriffiup akileraartarnermut inatsisinik ingerlatsinermut pisariaqartuusorinninera malillugu takunnissinnaanissa, matumani aamma elektroniskiusumik, kommunit periarfississavaat.

**§ 87.** Kommunit suliassaannik Inatsisartut inatsisaata uuma kingunerisaanik Kalaallit Nunaanni Namminersornerullutik Oqartussanut nuussinissap ingerlanneqarnissa pillugu maleruagassat Naalakkersuisut aalajangersarsinnaavaat. Matumani aamma suliassat pappialartaasa toqqortallu qanoq annertutigisut Kalaallit Nunaanni Namminersornerullutik Oqartussanut nuunneqarnissaat Naalakkersuisut erseqqinnerusumik aalajangersarsinnaavaat.

**§ 88.** Aningaasarsianit akileraarutinut akiligassat inatsisip atuutilernera sioqqullugu akiligassanngorsimasut akiliisitsinikkut Kalaallit Nunaanni Namminersornerullutik Oqartussanut nuunneqarnissaat pillugu Naalakkersuisut kommunalbestyrelsink isumaqatigiissuteqarfinginnissinnaapput. Isumaqtigiissuteqarnerni nakkutigineqassaaq akiligassarineqartunut naliliumneqarsimasoq piviusorsiortuunersoq, tassa akiligassarineqartut ilaasa matussutissaqanngitsut nalikillilerneqarnissaanni landskarsip annasassai eqqarsaatigalugit, aammalu qanoq annertutigisut akiligassalinntu akilersinniarneqarsinnaanerat naatsorsuutigineqarnersoq.

### **Kapitali 20** *Aalajangersakkat atuutilersitsissutaasut ikaarsaarutaasullu*

**§ 89.** Inatsisartut inatsisaat 1. januar 2007-imi atuutilissaaq.

*Imm. 2.* Aningaasarsianit akileraarutit pillugit suliassat tamarmik inatsisip atuutilernera aallarnerfigalugu kommuniniit akileraaruseriffimmut nuussapput.

*Imm. 3.* Suliassat Naalakkersuisunut naammagittaalliuutigineqarsimasut aalajangiiffigivinneqarsimanngitsut tamarmik inatsisip atuutilernera aallarnerfigalugu Skatterådimut nuussapput, Skatterådi suliassanik § 2 naapertorlugu aalajangiisinnassaassuseqarpat.

*Imm. 4.* Aningaasarsianit akileraarutit pillugit Inatsisartut inatsisaanni nr. 5, 19. maj 1979-imeersumi § 115, imm. 9 atuutiinnassaaq isumakkeerinissamik qinnuteqaatinut ulloq 1. januar 2007 nallertinnagu Skatterådimit tiguneqarsimasunut.

*Imm. 5.* § 46 nuussiernut atuuppoq 31. december 2002-p kingorna kommunalbestyrelsimit imaluunniit Akileraartarnermut Pisortaqarfimmut anngussimasunut. Nuussinerit 1. januar 2003-p siorna kommunalbestyrelsinit imaluunniit Akileraartarnermut Pisortaqarfimmut anngussimasut eqqarsaatigalugit, akileraaruseriffik 31. december 2007-p kingorna nuussineq apeqqutaatinnagu tunniussisumut akiligassiisinnavaavoq imaluunniit akileraarutinut akiliutaavallaarsimasut utertillugit akilerneqarnissaannut nuussisup piumasaqaataanik tigusinermik nalunaaruteqarluni, akiligassiineq pisussaaffinnilluunniit tigusineq utertilluni akiliinissamut piffissarititaq sioqqullugu pisimappat.

*Namminersornerullutik Oqartussat, ulloq xx. xx 2006*

Hans Enoksen

/

Josef Motzfeldt